

VITT EMANUELE




B

H



14-29-a-23



VENENUM,
& desuper
ANTIDOTUM,
Statûs Politici:

à R. P.

EUSEBIO NIEREMBERGIO

Societatis Jesu

Primum

Hispanicè conscriptus ;
tum Italicè ..

nunc verò

Boni publici causâ
etiam Latinè redditus.

Cum Gratia & Privilegio S. C. M.



PRAGÆ, Typis Univers. Carolo-Ferdinan:
in Colle: Soc. JESU, ad S. Clementem, 1684.

Imprimatur.

Wenceslaus Bilek à Bi-
lenberk Officialis.



A D

Benevolum Lectorem.

P*Rodijt ante compli-
res annos Authore R.
P. EVSEBIO NIEREM-
BERGIO S. J. magno asceta Hi-
spano, ejus vulgari conscriptus i-
diomate Libellus, deinde Italicâ
redditus linguâ Titulo; Il Vele-
no & l'antidoto de stati insi-
gnitus, dignus profectò tanto
Authore, qui hodie unus è cele-
berrimis habetur scriptoribus,
multisq; operibus notus præcla-
rissimis; & quia, pro moderna
præsertim rerum peristasi, valde*

A 2

oppor-

*opportunus videtur, quò populus
Christianus Barbaris inundatio-
nibus graviter attritus, seriò de-
clinare à malo & facere bonũ
addiscat ; id est , caveat sibi à
Veneno Statũs Publici, aut ad-
hibeat promptè ejus Antido-
tum ; eapropter hoc Opusculum
latinã etiam Lingvã donatum
publicæ pietati, atq; incolumita-
ti censuimus offerendum. Tu, pie
Lector, invenies salutaria tuæ
pietatis fomenta : ex ad-verso, si,
quod dolendum , malesani hau-
sisti quidpiam incautior, huic re-
medium malo reperies adequa-
tum : utere, fruiere bene, Vale ac
vive, Deo, publico bono, ac tibi.*

PRO-



PROLOGUS.

DUm præsentium temporum calamitatibus, atq; nequidquam contra eas proficientibus remedijs ingemisco; non mediocre tamen vel inde solatium haurio, quòd non impossibilem eluctandi modum, sed imparem duntaxat ægritudinis curam; non humorum nimiam malignitatem, sed medicinæ efficaciam, minorem solummodo esse advertam, quàm ut dolori medendo sufficere posse videatur. Nam ut olim Imperator Basilius ad Leonem filium pronuntiavit: *Præstantissimus medicorum ille est, qui accommodatas cuiq; morborum generi novit adhibere curationes.* At si morbi principum ignorâris; quænam insuper medendo malo medela adhibenda sit, ut ignores, est necesse. Proinde

Magnus ille Urbis Medicus Cornelius
 Celsus (lib. p.) rectè inquit : *Cujus
 rei non est recta notitia, ejus opinio cer-
 tum reperire remedium non potest.* Dif-
 ficilis erit ægritudinis cura , cujus prin-
 cipium ignoratur ; nec remedium adhi-
 beri malo poterit, cujus origo , vel oc-
 culta est, vel non observatur. *Non po-
 test scire,* pergit præfatus Celsus , *quo-
 modo morbos curare conveniat, qui, un-
 de hi sint, ignorat.* Hinc prima pruden-
 tis Medici cura in eo sita esse debet , ut
 mali originem indaget ; cui tantò faci-
 lius medebitur , quantò *compettitum
 magis ejus principium habuerit ; & , ut
 inquit idem Autor , *is rectè curaturus
 est, quem prima origo causa non fefellerit.*
 Existimo equidem, nos hac in re parum
 admodum oculatos hæcenus fuisse, at-
 que idcirco vehementer à scopo aber-
 rasse. Tum verò primùm salutis publi-
 cæ consulemus, ubi calamitatis nostræ
 primam radicem indagaverimus. Nam
 & ipsi, qui in eadem cum Jona navi
 erant, salutis fuit , naufragij causam re-
 perisse.



S. I.

*Quæ Rebuspublicis afflictis
consulendum sit?*



Nihil conferet ad Re-
gni tutelam Magi-
stratum vigilantia,
delectus militum, nu-

merus copiarum, exercitus poten-
tentia, frequentia tributa, oppor-
tuna rerum notitia, & sapientissi-
ma quæque consilia, si calamitatis
radix humanæ prudentiæ indagi-
ne deprehendi non possit. Si na-
turalis duntaxat foret malorum,
quibus premimur, origo, commu-
nia tollendis remedia sufficerent;

si non esset, quàm malevolus inimicorum nostrorum animus; Imperij nostri potentiâ coërceretur; si sola nobis insultaret Proditorum perfidia; nostra securos nos redderet integritas. Imperium profectò tam validum, sub Principe tam Catholico, tam pio, naturaliter tam citò distrahi non potuit. Unde patet: non esse naturale id, quod tantis viribus resistere potuit. Non est hîc culpanda fortunæ inconstantia, ubi poenam meruit malitia. Incassum ibit omnis cura, nisi adsit efficacior medela. Frustra enim ars & industria humana laborat, ubi malū, medicam. Numinis manum non meretur. Verissimū est, quod ait S. Paschasius, lib. de Sacram: *Impossibile est per medicinam illius artis sanari, quæ*
di.

divina ultio premit. Peccata nostra
malorum nostrorum sunt origo;
quibus Hispaniam DEUS terrere
vult, non evertere. Nec est reme-
dium expectandum ab ulla pru-
dentia politica, sed ab agnitione
& correctione delictorum. Et
quemadmodû juxta Medicorum
effatum, agriculturâ sana corpora
conservantur, & medicinâ sanan-
tur infirma; itâ prudentia Respu-
blicas in vigore conservat, hoc ve-
rò destitutæ, per pœnitentiam,
morumq; emendationem restau-
rantur. Hisce medijs hæten⁹ defi-
cientib⁹, vana fuêre omnia, quibus
statui publico mederi, & Imperi-
um conservare conati sumus. Hoc
enim, nisi divino favore protega-
tur; humanâ industriâ non defen-
detur. Vana erit Principum vigi-
lan-

lantia, si DEUS populi delicta, in toto Regno vindicare decernit. Inanis erit hominis industria, nisi Deus ipse Rempublicam tueatur. Peccata calamitatum nostrarum sunt origo, à quarum remedio, tantò remotiores fuerimus, quantò remotiores ab emendatione. In hanc unam nisi incumbamus, neque Magistratus malo medelam reperient, neque populi lamentis finem. Non semper ea, quæ dolet, corporis pars ægra est; sæpe illic dolor est, ubi nec advertitur. Lamentabitur vulgus vel super Reginine, vel super exiguo Regininis successu; damnabit Ministrorum quorundam incuriam, & exiguam providentiam; alijs culpam tribuet, quam vel tribuere sibi ipsi, vel in hos omnes conjicere debe-

deberet. Propter peccata Populorum errant Magistratus, quantumvis id, quod suâ interest, curæ sibi sumere laborent, & re ipsâ sumant. Idem erit de infau-
sto rerum successu; illud enim no-
vercante fortunâ malè cedit, quod alioquin error non fuisset. Quidquid accidat, peccatis nostris tribuendum est; siue errent Magi-
stratus mali, siue boni non tutè procedant, siue rectâ intentione malum disponant, siue perversâ malum intendant. Illud in ultio-
nem publicorum criminum Deus ordinabit, istud permittet. Deli-
cta publica merentur, ut populus perversos habeat Rectores, aut ut boni non agant, quod è re est, aut careant successu. Ecquis Regum justior, quis Sanctior fuit Josiâ?

quis majori innocentia, optimâq;
intentione magis conspicuus? Ve-
rùm peccata populorum ejus me-
ruerunt, ut, cùm ipsi in malitia sua
obstinati perseverarent, tum Rex
ipse pessimis rerum successibus af-
fligeretur. Verendum sanè est,
quod verèbatur Petrus Damianus
l. 7. c. 7. ità scribens Henrico Ro-
manorum Regi: *Cavendum est, nè
malitia subditorum redundet in Re-
gem.* Qui dum delinquit, nec Prin-
ceps poenâ vacabit. Ex hac ipsa
ratione idem Damianus Henrico
Regi metuebat, nè dimidio Regni
sui privaretur. Grande imponunt
onus Principum humeris populi
perversi; & quantumvis illi probi
sint, & zelantes, horum officiunt
delicta, quò minus auspiciato rerū
successu potiantur. Peccata certè
fons

fontes & origo sunt calamitatum, causa bellorum, jactura Provinci-
arum. Probè id intellexerunt
Franciæ Archiepiscopi Viceneli-
us, Hinemarus, & Rudolphus, ut ad
annum 845: n. 6. Baronius adno-
tavit : qui dum regnum illud à
Normannis vexari, incinerari op-
pida, Provincias expilari viderent,
unicam mali hujus radicem pec-
cata Regni reppererunt ; adeoque
id unum egerunt, ut corrupti mo-
res emendarentur potius, quàm
exercitus in campos educerentur.
Proinde congregato Meldæ Con-
cilio deliberârunt, quomodo im-
primis vitia extirparent ; arbitrati
hanc unicam Regno tutelam ab-
unde suffecturam. Idem nunc est
in Hispania rerum status, qui tunc
fuit in Gallia : quemadmodum
ex

ex ipsis Concilij verbis apparet, quæ hîc referte non intermittam, ut remedium non negligamus, ubi parem videmus esse nostram calamitatem. Sic ergo in Præfatione loquitur Concilium: *Grassante iniquitate, & elongante se op:atâ atq; optabili Pace, non solum à medio nostri, verum, quod est lugubrius, à finibus nostris, perspicientes à Divina misericordia, quæ potissimum in tribulatione suis fidelibus consueverat semper adesse, tot miserorum gemitus, tantâsq; lacrymas, & penè intolerabiles, & in hac Regni duntaxat parte, inauditas afflictiones, & horribiles calamitates, surdâ (itâ fas sit loqui) aure justo iudicio præteriri; ob hoc justæ indignationis Divinæ merito deflendum supplicium. & Ecclesiæ Christi devoto pectore tractandum negotium, Præ-*
sul.

sulum quoque, & sequentis Cleri correctionem, & Regis, & Regni salubritatem atq; stabilitatem, & populi Auctore, & Fautore Domino procurandam salutem Venerabiles Episcopi, Vincenelio videlicet Senonica Sedis Archi-Episcopus cum Suffraganeis suis; Hinemarus quoq; Sanctæ Metropolis Ecclesiæ Remorum Episcopus cum Co-Episcopis suis; & Rodolphus Biturica Civitatis Archi-Episcopus, ceteris etiam DD. Sacerdotibus legatis vel scriptis suam præsentiam exhibentibus in Meldensem Ecclesiam de suis Civitatibus conveniunt. Tantum calamitas eorum temporum requirebat molimen, & nostrorum certè aliquod, nec minùs efficax requirit. Stupenda profectò res est, tot in his Regnis data arbitria, tot institutas consultationes, tot Resolu-

solutiones emanâsse, tot publicata esse Decreta, quorum potior pars vel evanuit, vel lucem non aspexit: id tamen, quod ad morum emendationem pertinet, tam exiguum habuisse effectum, & fortassis nec in deliberationem venisse. Huc animus advertendus, & procerto tenendum, quod c. 9. dicit Prophetâ Amos: *Ecce oculi Domini super Regnum peccans*, cui statim subjungit, DEI nomine loquens: & *conteram illud à facie terra.* Idem & nobis metuendum: quare Divinæ ultionis rigorem seriò pensemus, & truncando vitia, calamitatibus medeamur. Non est, ut arbitror, multis opus ad persvadendum, peccata jacturarum nostrarum causas esse; cum tam multiplicia committi videamus. Illud fanè,

fanè, pro certo accipi velim, rem aliter se habere non posse.

§. II.

Peccata Calamitatum publicarum causam esse.

NON præsumo equidem, peccatorum hujus Regni Censorem agere, nolo illa ijs quæ alibi fiunt, vel alio tempore facta sunt, comparare; Deus novit quando & ubi majora scelera patrata sint; multa sunt ubiq; quæ latent, quæ verò patent, non pauca. Nolim hîc ego definire, pluribusne, an paucioribus, quâ quinquaginta abhinc annis, florente tum admodum Imperio nostro, hisce temporibus Hispania abundet peccatis. Nam si non iisdem, paribus fortâsse tamen

men eo tempore laboravit. Non ignoro: celebre ante non paucos annos Magni illius Hispalensis Præsulis Capo di Vacca dictum fuisse: Hispaniam denuo destrui oportere, ut cum incremento rursus restitueretur. Existimo ego, plura tunc nonnunquam peccata fuisse, nonnunquā pauciora hisce añs, dum Antecessorū nostrorum delicta contineremus, & illa, & ista Deus castigat. Hæc usus est methodo Dominus in Regnis Israel & Juda, & aperuit mentem suam per Prophetas. Isaia c. 14. dicens: *Preparate filios ejus occisioni iniquitate Patrum*; dumque Judæi interrogarent; cur tantis à DEO calamitatibus affligerentur? mandatum dedit Dominus Jeremiæ, ut responderet: *quia dereliquerunt me*

me Patres vestri, dicit Dominus. Neque decernam, plurane in Hispania; an Gallia, Hollandia, aliisve Provincijs peccata reperiantur; id solùm de nobis affirmare ausim: nosmetipsos hisce calamitosis temporibus, justo D E I permittentis arbitrio, ab extraneis non mediocriter vexari. Neq; tamen sequitur: plus poenarum mereri eos, qui vexantur, majorémve ijs reatum inesse, qui persecutionem patiuntur; quàm qui persequuntur.

Et sanè, non erant Madianitæ aut Philistæi Israëlitis meliores. Et tamen hi bellis illorum, infestis irruptionibus, sævâque tyrannide primùm quantùm fatigabantur? Nunc tempus nostrum advenit, nunc DEO decernente, irruptione Gallorum, inobedientiâ Catalau-

launiorum, perduellione Lusitanorum, tantum non opprimimur. Hæc nostra nunc sunt flagella. Unde S. Augustinus de verb. dom. tr. 19. ita loquitur: *Non lateris impie, vel tyranne, quoniam virga, vel flagellum efficeris, novit enim prudens Doctor, nec ignorat pius Pater, post castigationem promovere Discipulum, & post debitam emendationem paternali hæreditati præficere filium, flagellum verò, sive virgam, incendio flammarum comburere.* Chaldæorum operâ Deus usus est ad delicta Judæorum vindicanda, his vicissim, ad animadvertendum in Chaldæos; unde factum, ut Judææ Regnum majora semper se ipso sumeret incrementa Chaldæa verò Imperium, quo exciderat, nunquam amplius è manibus Judæorū posset revocare. Fi.

Fiduciam ergo nostram in
 DEO collocemus, & post nubila
 Phœbum expectemus; speremus
 in Divinam Bonitatem, persua-
 sumque nobis habeamus; justiti-
 am illius à nostra malitia provoca-
 ri; persuasum, inquam, habeamus,
 non aliunde calamitates nostras,
 quàm à fontibus delictorum no-
 strorum promanare. Cui ut firmi-
 us assentiamur, suppono: propter
 peccata everti Monarchias, trans-
 ferri Regna, imperia finiri. Hoc
 adeò verum est, ut Ethnici quoq;
 idipsum fuerint contestati. Unde
 Seneca in Thyeste: *ubi non pudor,*
nec cura juris, sanctitas, pietas, fides,
instabile regnum est. Idque consen-
 tit cum eo, quod dicitur proverb.
 c. 6. v. 1. *Justitiâ firmatur solium.*
 Hinc advertit Plato l. 1. de Re-
 publi-

publica, quemadmodum Justitia omnis felicitatis est origio; ita injustitiam omnis infelicitatis Matrem esse. *Infelicitatis autem Mater injustitia.* Ita ille. Et Valerius Max. lib. 4. ait: *Hi Penates, ea Civitas, id Regnum aeterno in gradu facile steterit, ubi minimum virium Veneris, pecuniæq; cupido sibi vendicaverit.* Et nè ad alias Autoritates digrediamur, de fide est; propter peccata complura regna punita fuisse. Unde sequitur: cum pares delictis nostris calamitates patiamur, has nobis propter illa infligi; successuramque poenam mitiorem, ubi imminutus fuerit numerus peccatorum. Loquuntur id sacrae paginae in toto Libro Judicum, libris Regum, & Prophetarum; qui idcirco ab ijs, qui ad Clavum sedent, sæpe sæpi-

sæpius forent lectitandi. Imperatorem Carolum V. in tam insignē Principem evalisse, sunt, qui ejus Præceptori Adriano, quòd Eidem libros Regum explanârit, referant in acceptis. Atque, ut aliquid ex sacris libris adferamus : Respublica Hebræa sub Judicum gubernatione constituta, quotiêscunque delinquebat, toties à DEO inimicis in prædam, & servitutem data plectebatur ; expiatis verò per pœnitentiam peccatis, exaltabatur à Domino, & favoribus cumulabatur. Sub Regum Dominio deinde, dum Regnum esset validissimum, permisit D. E. U. S, ut Jeroboam legitimo Regi suo fieret perduellis, & Respublica in duo distincta regna divideretur, quorum alterum, Israëliticum illud, propter

pter ingentem nequitiam ut salem
aqua, propè penitus dissolvit; &
per Assyrios adeo devastavit, ut
abductis, quæ supererāt, in servitu-
tem incolis, tota Provincia homi-
nibus vidua, & deserta relinque-
retur.

Alterum horum regnorum
per Chaldaeos pari rigore fuit ca-
stigatum. Calamitosos hosce suc-
cessus, florenti adhuc Reipublicæ
DEUS pro sua benignitate & mise-
ricordia, per complures Viros san-
ctos prædixit, qui de secuturo pro-
pter peccata flagello populum &
Reges admonerent, ut nisi totius
Reipublicæ Regumque ruinam
vellent, dissolutos mores ad nor-
mam omnino revocarent. Pari
prorsus ratione cum alijs mundi
hujus Imperijs DEUS processit,
dum

dum Assyrij licentiam & impudicitiam maximè sectarentur ; à Medis & Chaldæis sunt devastati, Imperium Babylonicum eversum , dum maxima deliciæ , idolatriæ , scelerâque sumerent incrementa. Persæ pariter Monarchiâ exuti sunt, dum maximè essent dissoluti. Idem accidit Græcorum Imperio, regno Ægypti, & Idumææ, aliisque Judææ confinibus : quódque Prophetæ propter peccata eorum eventurum prædicebant, id re ipsâ evenit. Non est ulla Reipublicæ calamitas, nulla Monarchiæ Regnique vicissitudo , cui peccata non præbeant occasionem. Unde Spirit: S. Prov. 14. 34. *Iustitia elevat Regentem, miseros autem facit populos peccatum.* Dum ad Clavum sedet injustitia , non progreditur

B

Rex

Rex de gente in gentem, nec ultra limites regnum extendit ; ubi è contrario fastigium teneret. Populos miseros faciunt delicta ; quibus & ipsi Republicæ suæ ruïnā accersunt.

Jussu Caroli Regis Galliaë, ejectis è Regno suo, quod pluriū ańorum spatio divexabant, Anglis, non nemo Gallorum postremos Classē conscendentes, per ludibrium percontatus : quādonā rursus Galliam revisuri essent ? hoc ab Equite non ineptum retulit responsum, tum demum fore, ut redirent, ubi majoribus Gallia, quā Anglia delictis abundārit. Lobet : in flag. pecc. lib. 1. Sat clarè ipse Dominus, dum Israëlem bellorum tumultibus devastaret, unicā tantarum calamitatum causā, deli-

delicta populi assignavit, ita loquens per os Jeremiæ: *nunquid servus est Israël, aut vernaculus? quare ergo factus est in prædam? super eum rugierunt Leones, & dederunt vocem suam, posuerunt terram ejus in solitudinem, Civitates ejus exusta sunt, & non est qui habitet in eis; filij quoque Mempheos & Daphnes constupraverunt te usque ad verticem; nunquid non istud factum est tibi, quia dereliquisti Dominum DEUM tuum?* Idem Jeremias loquens de calamitatibus, quibus regnum Judæ premebatur, earundemque causam adducens, subjungit c. 4. v. 18. *Quia me ad iracundiam provocavit (Jerusalem) dicit Dominus, viæ tuæ & cogitationes tuæ, fecerunt hæc tibi, ista malitia tua, quia amara, quia tetigit cor meum.* Et Isaias

c. 3.



c. 3. v. 8. Ruit Ferusalem, & Judas concidit, quia lingua eorum, & ad- inventiones eorum contra Dominum, ut provocarent oculos Majestatis ejus. Oseas Propheta exclamat c. 5. v. 5. Arrogantia Israël in facie ejus, & Ephraim ruent in iniquitate sua, ruet etiam Judas cum eis.

Idem propè dixit Propheta Ezechiel c. 7. n. 24. *Civitas plena iniquitate, & adducā pessimos de gentibus, & possidebunt domos eorum, & quiescerè faciam superbiam potentium & possidebunt sanctuaria eorum. Angustiā superveniente requirent pacem, & non erit; conturbatio super conturbationem veniet, & auditus super auditum. Omnium horum causam sufficienter Dominus manifestat, dum inquit: Secundum viam eorum faciam eis. Verum non per*
Pro-

Prophetas duntaxat tempore Regum ad suum populum submissos hujusmodi calamitates Dominus, earumque causas manifestavit; sed easdem etiam minatus fuerat in Deuteronomio c. 29. v. 24. *Dicent omnes gentes : quare sic fecit Dominus terræ huic ? quæ est hæc ira furoris ejus immensa ? & respondebunt : quia dereliquerunt pactum Domini ; id est : non servârunt legem ejus. Idem sibi persuasum habuit Aquier Ammonita ad Holofernem de Judæis ita perorans : Si est aliqua iniquitas eorum in conspectu DEI eorum, ascendamus ad illos, quoniam tradens tradet illos DEUS eorum tibi, & subjugati erunt sub jugo potentie tue ; si verò non est offensio populi hujus coram DEO suo, non poterimus resiste-*

re illis, quoniam DEUS illorum defendet illos. Judith. c. 5. v. 24.

Inter alia regna, quæ Providentiæ Divinæ Assistrici magis curæ fuerunt, ut illa à vitijs revocaret, Hispania est, quam scimus varijs vicibus afflictam à Carthaginensibus, Dominationi Romanorum deinde, & aliquot pòst annis Vandalorum, Silingorum, Alanorum, Svevorum tyrannidi subjectam fuisse. Occupârunt & illam Gothi, pòst illos eandem Arabes everterunt; nunc verò ab invidis suæ felicitatis vexatur. Idque propter peccata, cùm gens tam valida, & generosa à sese debilioribus vexata, exterisque subiecta fuerit, evenisse advertit Salvianus lib. 7. de Hispaniæ per Vandalos everfione, causam impuditiæ peccatis adscri-

scribit : Nunquid, ait, non erant in
 omni orbe terrarum barbari fortio-
 res, quibus Hispania traderentur ?
 multi absq; dubio, imò nisi fallor omnes;
 sed ideo ille infirmis hostibus cun-
 cta tradidit, ut ostenderet scilicet, non
 vires valere, sed causam ; neque nos
 tunc ignavissimorum quorundam ho-
 stium fortitudine obrui, sed solâ vitio-
 rum impuritate superari, ut verè in
 nos veniret dictum illud, quod ait ad
 Judeos Dominus : Secundum immun-
 ditias, & secundum iniquitates suas
 feci illis, & averti faciem meam ab
 eis. Deuter: 28.

§. III.

Prudentiâ & industriâ hu-
 manâ reparari non posse id,
 quod peccata destruxere.

E Videns præterea signum est,

calamitates , quas experimur ,
flagella cœlitus immissa esse, eò
quòd institutis tot consultationi-
bus, tot datis arbitrijs, tot adhi-
bitis remedijs , quæ ad averten-
dum, qualecunq; tandem malum
periculúmve suffectura videban-
tur: neque impediri potuerint, ne-
que averti. Sed non est prudentia
& industria contra consilium DEI
castigare decernentis. Unde Isa-
ias c. 59. v. 6. *Tela eorum non erunt
in vestimentum, neque operientur ope-
ribus suis, opera eorum opera inutilia.*
Imò, quod paramus in tutelam,
serviet in ruinam, conformiter ad
illud Oseæ c. 8. v. 1 *Quia ventum
seminabunt, & turbinem metent; cul-
mus stans non est in eo, germen non fa-
ciet farinam, quod etsi fecerit, alieni
comedent eam.* Officiunt industrijs
no-

nostra delicta, quódque magnis
impendijs comparatur, aut telâ a-
raneæ citius dissipatur, aut ipsis
nostris consilijs mactamur. Nun-
quam Constantinopolis majorem
defensioni suæ curam adhibuit,
quam PhocaNicephoro imperan-
te; sed in cassum, imò admonitus
Imperator, hanc è cœlo vocem
audijt, ut refert Baron: ad An. 964.
n. 37. O Imperator, erigis muros?
& tametsi vel ad cœlos eos addu-
cas, intus cum sit malum, urbs
captu facilis est. Nil conferunt
contra hostes extraneos muni-
menta, dum domi tot hostes ha-
bemus, quot peccata. Nulla quid-
quam valet defensio, dum ista no-
bis insultant. Collectus est miles,
ut mundum occupet, nec sufficit,
ut nos ipsos tueatur; plurimæ

phalanges perierunt, priusquam ad Exercitus pervenirent, & hi quidem dissipati sunt, antequam vel conspectum hostis viderent. Profusum est tantum æris & argenti, ut eodem non occupari solum, sed emi Rebellium nostrorum Provinciæ potuissent, totum hoc tamen, nec militibus nostris in stipendium sufficit. Unde patet tantam jacturam non esse novercantis fortunæ, sed supplicij Divini. Temerarius non sum, si dixerò: non minores calamitates impendere Hispaniæ ob-carnis delicta, ac Anglia tolerârit ob hæreseos peccata. Quanquam culpam diversam sequatur & pœna diversa. Manifestum divinæ vindictæ argumentum fuit, collectam illam in regno illo immensam pecuniæ vim

vim, uno quasi momento in auras abiisse. Nam ut inquit Sanderus l. 3. de Sch. Angl. cum decima eorum portio, quæ Henricus VIII. ex opulentissimis quibusvis totius Regni Ecclesijs, eorumque bonis corraferat, ad avarissimi cuiusque Evclionis satiandum animum suffecisset; hæc omnia tamen, tantum aberat, ut ad publici boni emolumentum quidquam conferrent; ut à Regimine illic Anglicano majora indies tributa imponi fuerit necesse. Eâ tempestate Regum in Evropa nullus, neque Prædecessorum aliquis opulentior est repertus, tantâ tamen post paulum egestate premebatur, ut plura tributa ac onera suis imponere, quàm omnes alij Reges, quotquot 50. annorum spatio solum tenuerunt,

runt, unicus ille sit coactus. Nam præter monetæ ingenti cum jactura adulterationem, illo ipso anno, quo tantos thesauros collegerat, inauditum regno suo imposuit tributum, dum quivis Fisco Regio plus quàm nonam bonorum suorum partem persolvere teneretur, idque ipsum alijs annis fieri imperaret. Deinde ab omnibus mutui ad instar magnam pecuniæ vim poposcit, annoque insequenti ad ingens Donativum coëgit; nec hoc contentus, argenti & auri pretium adauxit, quod majori eidem quàm omnia suprà dicta emolumento fuit; huic adjunxit cusam ex adulterato auro argentoque monetam, unde ingentem pecuniæ cumulum congeffit, atque ità legitimam monetam attrahendo, cuden-

audendo verò adulterinam, ingens sibi lucrum comparavit. Omnes hæ divitiæ in majorem regni illius poenam in auras abierunt ; unde injunxit, ut quivis decimam, vel duodecimam Censuum suorum partem, & ex bonis mobilibus decimam duplicatâ persolveret : demum eò delapsus est, ut omnes Hospitalium, Collegiorum, & foundationum pro defunctis redditus sibi subjiceret, & de ijs pro arbitrio suo disponderet, Ingentes tamen hæ divitiæ Regno illi sublevando non sufficebant, quòd peccatis suis met opprimeretur. Tantam ergo pecuniæ summam communibus industrijs collectam, ad publici tamen boni emolumentum nihil conferre, non est, quod malæ rerum administrationi, aut

ministrorum incuriæ tribuamus.
 Ut exhaustis ærarijs, sine tamen
 nostro non potiamur, peccatis hæc
 pœna debetur. Quanquam mise-
 ricordia suæ oculo, uti sperandum
 est, respecturus nos sit, benignissi-
 mus DEUS. .

§. IV.

*Fidem sinè operibus parum
 prodesse.*

NON est, quod Fidei puritate,
 quæ in Hispania conservatur,
 gloriemur; quantumvis enim ea in
 omnibus pura sit, in paucis tamen,
 operum defectu, est viva: S. Ja-
 cobus in Epistola sua, quam gravi-
 um Auctorum Serrarij & Dazæ ju-
 dicio, ad Hispanos perscripsisse
 perhibetur, efficaciter probat,
 quàm parum sinè operibus profit

Fides

Fides: Nam & Dæmones credant, operum tamen defectu, nihilo se ipso meliores. Idem S. Isidorus (lib: de diff. Spir. num: 30.) Insinuavit, dum dixit: *Non potest per Fidem DEO placere, qui DEUM contemnit.* Imò, quantum fidelis sine operibus placeat, cum ei maledicat Christus, in nonnullis Evangelij figuris, ut notat D. Gregorius, videmus. Nam ficulnea maledicta fuit à Domino, quòd fructum non haberet: & servus quòd non fuisset operatus, condemnatus. Videtur S. Apostolus Jacobus ad nostra usque tempora, quibus omnia in regno nostro jactantur, jam tum respexisse; dicit enim c. 2. n. 24, *quid proderit Fratres mei, si dem si quis dicat se habere, opera autem non habeat; nunquid poterit Fi-*
des

des salvare eum ? Id est : Sola Fides, nisi operibus adjuvetur ; non conducit ad salutem ; quemadmodum Apostolus multis argumentis, & similitudinibus convincit. Sicut enim pauperi nudo, famelico, & sitibundo (& hæc S. Apostoli est comparatio) non succurreris, nisi de victu & amictu prospexeris ; ita animæ parum admodum profueris, si nōris, quī DEO placere possis ; neque tamen operi manum admoveas. Porro, quemadmodum corpus finē anima cū examine sit, nihil prodest ; ita Fides finē operibus, cū mortua sit, inutilis est. Parum differt Ethnicus à Catholico, qui non operatur ut Christianus ; uterque mortuus est : nam, ut dicit S. Chrysostomus in 1. ad Tim. 5. *Viventes non eo tantum*

tum à mortuis differunt, quòd solem
& aërem vident; sed eo, quòd boni aliquid faciunt; nisi enim id adsit viventibus, nihilo defunctis meliores sunt. Hinc ait S. Cyrillus, quòd peccare, sit quasi occidere fidem; in c. 4. Matth. 43. Si quis post justificationem decidat in peccatum, fidem in se ipso quasi occidit. Et S. Bernardus Serm: 24. in Cant: Munus mortuum offers DEO. Bene honoras DEUM munere fetido? bene places tuæ fidei interfector? Proinde veram appellare fidem nolunt alij Patres, quæ operibus caret. S. Hieronymus fidem deficere asserit, ubi deficit charitas, forma virtutum: sic enim scribit in c. 5. ad Galat. Cum dilectio procul abfuerit, fides pariter abscedit. In eundem sensum Didimus pronunciavit:
Fides

Fides mortua non est Fides, sicut homo mortuus non est homo. Nimirum propter exiguum fructum Fidei mortuæ, non quòd desinat esse Fides. ulterius progreditur S. Augustinus, fidem, quæ sinè operibus est, diabolicam appellans. S. Anselmus c. 1. ad Galat. Diabolorum fides est, inquit, non Christianorum, Deo linguam dare fidem confitendo, Diabolo autem animam, præcepta Divina transgrediendo. Pariter S. Bernardus Serm. 24. in Cant: *Confiteris te nōsse DEUM, factis autem negas, non rectè planè, sed impiè linguam Christo, animam dedisti diabolo.* Id ipsum advertit Chrysostomus existimans, non esse Fidelibus, sed Atheis accensendum eum, qui ea patrare ausit in oculis Divinis, quæ agere noller.

nollet in oculis humanis. Et **S. Hieronymus**, quomodo pro vero & perfecto Christiano censebis illum, qui tali in statu vivere præsumit, in quali nollet mori. Non est, quod de pura Fide, si opera defint, gloriemur; neque enim Fides illis proderit, quos opera mala trahunt in ruinam. Imò, major metuenda nobis est poena, dum melius credimus, & pejùs operamur. Permittit **DEUS** sæpe ab Infidelibus, Catholicos majorum scelerum reos subjugari. Fidele erat Regnum Judææ, sed propter peccata sua subjugatum est, & infidelibus mancipatum. Et Hispania multorum subiecta est Dominio barbarorum, ut major potestate, eos haberet Dominos, quibus superior erat iniquitate; quemadmodum

modum advertit Salvianus lib. 7. de Provid. ità loquens : *Dupliciter in illa Hispanorum captivitate DEUS ostendere voluit, quantum & odisset acriùs libidinem, & diligeret Castitatem, cùm & Vandalos ob solam maximè pudicitiam illis supponeret. & Hispanos ob solam vel maximè impudicitiam subjugaret.* Idem de Hispaniæ per Arabes facta vastatione, dici potest, quam ob peccata præsertim impuditiæ à DEO permissam asserit S. Bonifaciùs Martyr in epistola ad Equeldobaldum Regem Angliæ de natione Hispanica ità scribens : *Quæ sic à DEO recedentes fornicata sunt, donec Judex Omnipotens talium criminum ultrices pœnas, per ignorantes legem DEI, id est, per Saracenos venire, & sævire permisit.* Qui, licèt infideles, moribus

bus tamen Hispanos longè antecellebant. Nam sub Imperio Regis Almancor Arabes modestiâ & æquitate mirum quantum florebant. Timorem ergo nobis incutiant perversi mores nostri, non fidamus industriæ nostræ, timeamus, si plurimum peccatorum rei simus, quàm Batavi cæterique coronæ huius inimici. Caveamus, nè, si iniquitate eos vincamus, minoribus etiam eorum viribus superemur. Timeamus, nè si secundum fidem bene operari negligamus, periculo deficiendi ab ipsa Fide nos exponamus. Nam, ut inquit S. Paulus, multi negligentes bonam conscientiam, perdunt Fidem: & Christus Dominus noster, quomodo potestis credere, inquit, si gloriam vestram quæritis?

Ex

Ex historijs Ecclesiasticis comper-
tum habemus, omnes hæreses, vel
ab impuditiæ, vel avaritiæ, vel
ambitionis fortibus promanasse.

§. V.

*Victorias non tam militum
copijs & armis; quàm vir-
tutum studijs comparari.*

NOlim persuasum nobis habe-
amus, tam præclara veterum
Hispanorum facinora, tot insignes
expeditiones, tot reportatas Vi-
ctorias, tot subjugatas Provincias,
veteri eorum potentia tribui o-
portere. Non enim tantis, ac nos
viribus, sed virtutibus; non tantâ
potentiâ, ac majori æquitate præ-
pollebant. Pari jam veritate dici
potest, quod, referente S. Augu-
stino

stino lib. 5. de Civ. c. 13. Cato dixit olim de Imperio Romano: Nolite existimare, majores nostros armis Rempublicam ex parva magnam fecisse; si ita esset, multò pulcherrimam eam nos haberemus, quippe Sociorum, atque Civium, præterea armorum, & equorum major copia nobis, quàm illis est. Sed alia fuere, quæ illos magnos fecerunt, quæ nobis nulla sunt; domi industria, foris justum imperium, animus in consulendo liber, nec libidini, nec delicto obnoxius, pro his nos habemus luxuriam, atq; avaritiam, publicè egestatem, privatim opulentiam, laudamus divitias, sequimur inertiam, inter bonos, & malos discrimen nullum, omnia virtutis præmia ambitio possidet.

Hanc Ethnici hominis sententiam, & nobis Christianis vellem per-

persuasam esse; Victorias nimirum non tam viribus & armis, quàm virtutibus parari, easque à DEO ijs concedi, quos castigare non statuit; qui nec presumptione, neq; superbiâ, nec injustitiâ, nec luxuriâ, neque sacræ legis contemptu, divinam indignationem provocârunt. Valde prudenter & Christianè egit Alphonsus Arragoniæ & Neapolis Rex, dum Filium suum Ferdinandum contra Florentinos militaturum, his verbis instruxit (Panor. in vit. Alf. Reg.) *Noli ô Fili tantum tue aut Commilitonum audacia tribuere, ut putes, absque DEI auxilio, victoriam ullam haberi posse: Victoria enim non hominum disciplinis, aut industriâ paratur, sed DEI Optimi Maximi benignitate & arbitrio; DEUM igitur cole, & tibi concilia;*

*cilia ; quod si quando eum tibi iratum
suspicareris, cave contendas, & quid-
quid ab eo tibi accidisse videbitur, bo-
ni consule, & patientiâ, & pœniten-
tiâ eum placa.*

Nominat se DEUS Dominum
Exercituum, illorum enim arbiter
est, & victoriam quibus vult, pau-
cis quoque, & inermibus elargitur.
Quantumvis res nostræ sint in an-
gusto, non ambigamus, victoriarū
palmas nos messuros, ubi vitia stir-
pitus eradicaverimus. Extirpemus
vitia, & DEUS instar pulveris con-
teret inimicos nostros. DEI casti-
gantis manum tanquam benigni
Patris exosculemur, & recipiet
nos in filios suos. Si talem venera-
bimur, plus poterimus sinè mili-
tum copia, quàm cum totius mun-
di potentia.

C

Tre.

Trecenta hominum millia eduxerunt Philistæi contra inermes Israëlitas, tantóq; pavore perculsos, ut in montibus inter exesas rupes, & ferarum latibula latitarent. ubi tamen ad paternam DEI manum lacrymantes confugerunt, operâ unius Jonathæ, ejusque armigeri, formidabilem illum exercitum in turpissimam fugam coëgerunt 1. Reg. 14. vide Joseph: & Salianum. Obsessa erat Betulia à Duce omnino strenuo, & exercitu tum in orbe toto validissimo; sed nec opus fuit duobus hominibus ad ingentem hanc potentiam dissipandam. Una mulier fecit confusionem, plúsque profecit Israëlitarum poenitentia, quàm totius mundi potentia profecisset. In quantis angustijs Ezechix Regis

gis

gis tempore versata fuerit Urbs Hierosolymitana, vel inde pater: quòd eam tunc potentissimus orbe toto Imperator non tam exercitu, quàm integro hominū mundo cingere sit visus. Sed, ubi urbs rota in lacrymis & planctu ad Dominum exercituum se convertit, nec duobus viris, nec muliere unā opus fuit ad tanti hostis vires enervandas. Nam finè hominis ullius manū, noctis unius spatio ad usque diluculum totus ille dissipatus est exercitus, omnesque campi caesorum cadaveribus natavêre. Angelus quippe Domini centum octoginta quinque millia Assyriorum percussit, eosque qui supererant, è castris profligavit. Quin & finè Angelorum ministerio dissipat Deus, ubi vult, numerosissi-

mos exercitus, utiturque ipsis inimicis nostris velut instrumento, in nostri tutelam, si mandata ejus custodierimus.

Dum Regis Josaphat tempore 2. paral. c. 20. Ammonitæ, Moabitæ, & habitatores montis Seir insurgerent contra Judæos, hi verò misericordiam DEI cum lacrymis & fiducia identidem implorarent, priusquam condicto prælio confereretur; *filij Ammon*, ut inquit scriptura, & *Moab consurrexerunt adversum habitatores montis Seir, ut interficerent, & delerent eos, cumque hoc opere perpetrassent, etiam in semetipsos versi, mutuis concidere vulneribus*: ita ut Judæi retundendo hostium insultui obviam ire parantes improvisò in pallentes cadaveribus campos inciderent, & opu-

opulentissimis prædis refertissimos reperirent.

Eja igitur, delictis nostris vindictam DEI non provocemus, & sinè milite vincemus, neque audito priùs armorum strepitu, victorias canemus.

Non nisi Saulis & Jonathæ gladium & hastam Israël habebat; vicit tamen ijsdem exercitus Philistæorum, omnis generis munitis, machinis, & armis instructos. Et Judas Machabæus contra Nicanorem pugnaturus armis erat destitutus; pietate tamen suâ meruit ut inermis de hostibus suis gloriosè triumpharet. Quod si ergo ad DEUM conversi salutari poenitentiâ delicta nostra expiaverimus, si æquitati, & virtutibus reliquis studuerimus, non erit, qui resiste-

sistere nobis possit, aut qui adversus nos consurgat. Irrefragabilis veritatis est illud, quod dixit Jonathas; Deo difficile non est salvare sive in multis, sive in paucis. Idem respondit generosus Machabæus; facile est multos paucorum manibus claudi, neque enim in multitudine exercitûs sita est victoria, sed è cœlo venit fortitudo. Experta est illud Hispania, sub suis Dominis, Alphonsis & Ferdinandis, qui exiguis provisi copijs ingentes exercitus profligârunt, neque enim vires illas à terra, quæ nunc eadem est, sed à cœlo mutuabant. Alia tunc verò eorum erat simplicitas, & æquitas, alia nunc nostra sunt delicta; illæ in nobis deficiunt; hæc sumpserunt, & in dies sumunt incrementum. Hinc

eve-

eveniet, ut urbes & oppida perdamus, hostibus nostris subjiciamur, victi magis à vitijs nostris, quàm ab inimicis. Nam, ut Salvianus ait l. 7. de Prov. *Nec illos naturale robur facit vincere, nec nos natura infirmitas vincit; nemo sibi aliud persuadeat, nemo aliud arbitretur, sola nos morum nostrorum vitia vicerunt.* Id probè compertum Regina Catholica habebat: proinde dum contra Granatenses Mauros bellum pararet, primam in emendandis suorum moribus curam collocavit.

§. VI.

Peccata privata bono publico plurimùm obesse.

QUantumlibet quivis, quòd suâ interest, sedulò accurret,

ret, quanquam tot mala suâ culpâ accidere fateatur ; canéque pejus & angve caveat, statutam à DEO peccatorum mensuram adimplere ut nè fortassis ea propter totum Regnum severè castigetur, vel funditus evertatur, quanquam insuper nemo sibi blandiatur, multos in Hispania bonos & sanctos reperiri, quorum fortassis plures, saltem non pauciores, quàm ullibi locorum reperiuntur; Regem præterea tam Catholicum, tam pium; zelum ejus tam sanctum, & causam tam justam esse ; non conferrent hæc omnia tanten ad evitandam publicam calamitatem, quâ culpa privata promeretur.

Sanctus erat Josue, & Israël tunc bonis, Deúmque timentibus hominibus abundabat ; Divino
jussu

jussu bellum, cujus causa justior
esse non potuit, gerebatur; ab ho-
stibus tamen victi fuerunt ob A-
chan peccatum. Sæpius contingit,
ut pœnam propter unius malum
non avertat multitudo bonorum.
Quemadmodum D. Ambrosius
super navicula Petri, Discipulis
Domini repleta, & fluctibus, ut
Matth. 8. habetur, operta, disertè
adnotavit. *Hæc est, inquit ille (serm.*
11. de mirab.) Causa periculi; erat
ibi Simon Petrus, sed erat pariter &
proditor Judas; quamvis illius fides
fundaret naviculam, hujus tamen e-
am perfidia conturbabat. Tranquilli-
tas, ubi solus Petrus habitat, tempe-
stas, ubi Judas adjungitur; licet esset
Petrus firmus suis meritis, perturba-
tur tamen criminibus Proditoris. U-
nus igitur delicto cunctorum merita
C S. quati-

quatiuntur. Grande navigium unicuique Jonæ peccatum gravabat, & ob unius culpam; de singulorum vita conclamabatur. Recogitent singuli, ob sua peccata cunctos affligi, & singuli ea corrigendo, publicas calamitates temperabunt. Singuli sanè ad cumulum peccatorum, ob quæ omnes vapulamur, pertinemus. Recogitet Juvenis se eò pertinere ob intolerabilem morum levitatem; senex ob insanam habendi cupiditatem; Nobilis, ob licentiosam vitæ rationem; Magistratus ob exiguum æquitatis zelum; Religiosus, ob modicum disciplinæ religiosæ fervorem; hic, ob diabolicam ambitionem; ille, ob infernalem avaritiam, hic ob satanicam vindicandi libidinem; ille, ob brutalem

sensualitatem, alius demum, & cum eo potissima pars, ob exiguum DEI cultum, rerumque divinarum venerationem. Neque excusationi, aut solatio locus erit, si existimemus præterlapsis temporibus Hispaniam parium delictorum ream secundissimis tamen rerum eventibus floruisse. Neque illud in partem solatij venire poterit; alia quoque regna non minori peccatorum fæce abundare. Imprimis enim dico: valde dubitari posse, an æqualia præteritorum annorum fuerint delicta, faciliusque in eam ibo sententiam, ut dicam: minora, quàm æqualia fuisse. At, demus majora fuisse; quia tamen Antecessorum nostrorum vestigijs insistendo, mensura delictorum nostrorum adimpleta est,

& ad summum malitia nostra pervenit, idcirco Justitiæ quoque Divinæ terminus advenit, & supergressæ sunt calamitates pariter ac iniquitates caput nostrum. Tempora quoque Abrahami, non minus ac tempora Josue peccatoribus abundabant; non illa tamen, sed ista DEI vindictam provocârunt; quòd scilicet tum primùm scelerum mensura esset consummata. Tandiu quippe DEUS Reipublicæ alicujus corpus, per peccatorum seriem conjunctum conservat, quamdiu tolerare decrevit. Et quantumvis non crescant delicta, supremam tamen Divinæ vindictæ executionem accersunt, dum cumulantur. Non mala duntaxat est magnitudo, sed & multitudo delictorum. Hinc est;

est, quòd ultrices Divinæ suæ vindictæ flammæ Damasco, Gazæ, aliisque Rebuspublicis minatus sit Dominus, ubi delictorum mensuram consummârint. quantumcunque delictis Patrum nostrorum majora non forent, imò fortasse minora, nostra peccata, sufficiunt ad vindictam Divinam extremum irritandam, dum illa continuantur. Fundamentis, quæ majores nostri posuerunt, superædificamus, atque ita delictis delicta cumulamus unde contra Judæos amarè questus Salvator; v. & vobis, dixit, qui ædificatis sepulchra Prophetarum, sed quos majores vestri occiderunt. Profecto manifestum facitis, quòd eorū operibus consentiatis; quis autem major est consensus, quàm pecca-

ta præterita approbare, dum illa jam imitamur. Hinc subjungit Dominus, quòd satisfacere debeant pro omnibus homicidis majorum suorum, à primo usque ad ultimum, & ab Abel usque ad Zachariam.

Dico 2. nihil nostrâ interesse, si fors æqualiter, imò & magis delinquant aliæ Nationes. Neque enim de majori cogitat, qui aliunde magnopremittitur dolore. Ad nos poena pertinet, quam patimur, & suo tempore ad illos transibit. Accedit; quòd filios proprios magis, quàm extraneos Pater castiget. Unde mirum esse non debet, nos, tanquam populum suum, severius, quàm eos, qui sunt extra Ecclesiam, à DEO puniri.

§. VII.

§. VII.

*Peccata contra Religionem
Rebus publicis perquam per-
niciosa esse.*

UT in specie ea peccata, quibus maximè Vindicta Divina provocari potuit in medium adducamus; ea verò, quæ occulta esse possunt, seponamus; adverto, publica ejus generis esse, quæ plurimum iram divinam excitant, atque, quemadmodum notant Politici, imperia & regna pertrahunt in ruinam. Talia sunt, quæ imprimis Religioni, æquitati, castitati, & temperantiæ adversantur. Religione enim DEO unimur, Justitiâ Politica & Status Publicus, pudicitia & temperantiâ, vita cujusvis
&

& bona Oeconomia in vigore conservatur. Contrà, oppositis vitijs à DEO separamur, Respublicæ perturbantur, & familiæ pervertuntur. Hæc omnia non possunt non ingentem metum incutere; quòd in hisce nostris regnis non in infimo gradu reperiantur. Licèt enim, quæ singularis DEI in nos est gratia, ab hæresi immunes simus, est tamen, quòd tot contra Religionem delicta, tantam in templis, & locis sacris irreverentiam, tantam perjuriorum frequentiam, non mediocriter deploramus. Oraculum illud Sibaritis olim responsum, Hispanis dictum esse videtur:

*Semper eris felix venerans gens numina Divùm
Donec plus superos fueris venerata; virũ quàm
Intima seditio, tunc & tibi pralia surgent.*

Unde

Unde aliud, quàm Reipublicæ ruina sequi non potest: nam ut dixit Sinesius (de Regno) *Pietas erga DEUM certa basis Regni est, ac fundamentum.* Videmus in visceribus Hispaniæ omnia bello, seditionibus in Catalaunia, perditionibus in Lusitania flagrare; sed videmus exiguam pariter, tam in peccandi licentia, quàm nullo prope templorum cultu, erga DEUM reverentiam vigere.

Nihil hîc recenserebo de ijs, quæ sacrâ Natalis Dominici nocte fieri consueverunt. Id, profectò solùm, quod unico anno accidit, par fuit toti regno evertendo. Neque ea memorabo, quæ die Cœnæ Domini, eadêmque nocte devotionis occasione perpetrantur. Solenni quovis festo multis in locis
jam

jam ità usu quasi receptum est, ut loca sacra ad exponendas levitatis merces, ac tractanda & concludenda peccandi negotia, velut fora frequententur. Quæ res rectæ rationi ità adversatur, ut vel ipsimet Ethnici, quamvis lumine fidei destituti, pluribus remedijs adhibitis vetitam esse voluerint. Confabulationes in templis, ut refert Plutarchus l. 28. dum sacrificia fierent summo cum rigore, sinè cujusvis personæ respectu castigabantur, atque ità Romani duos Consules, quòd in templo confabulati fuissent, ab officio removerunt. Tullio teste de Div. lib. 1, nè quis in templis tumultus, aut ulla fieret sermocinatio, satellites adhibebantur. Valerius maximus grandem illam Romanorum felicitat-

citatem, magnæ illi, in parvis quoque, erga loca, résque sacras venerationi refert in acceptis. *Ægyptij* præ veneratione templa, non nisi calceis sepōsitis ingrediebātur:

Nos verò fide tam purâ imbuti verâque Religione exculti, omnem erga Templa exuimus venerationem; quâ quidem irreverentiâ summum Numen magnopere irritamus. Nusquam in Evangelio Christus irâ commotus fuisse legitur, quàm contra Templi profanatores. Hinc cùm die quodam festo, in Templi porticu, loco minùs sacro, pro sacrificijs boves & ovès venderentur; ità excaudit, ut facto ex funiculis flagello in multorum millium frequentia mensas everteret, numos dispergeret, ementésque æquè ac ven-

vendentes in fugam profligaret.
Quod si mansuetus cererоquin
agnus Leonem induit, quòd ali-
quis Templi Judaici aditus, sumo
cum honore non tractaretur; quid
eum facturum censemus, ubi
Templa ipsa Christianorum summa
cum irreverentia profanantur?
Et quid tandem in Templo illo
Judaico fuisse dicamus, ob quod
tantam Christus exegerit venera-
tionem? Non fuit illic certò vel
unica DEI imago, aut Arcatesta-
menti, aut Propitiatorium, teste
Josepho Hebræo: quia tamen ge-
minæ inibi tabulæ, quibus lex, nè
quidem ab ipso DEO, sed à Moyse
inscripta fuit, olim servabantur;
id tanto honore & æstimatione
Christus coli volebat, ut nè in
Templi porticibus quidem, licita
cete-

ceteroquin, & ad Templi sacrificia necessaria passus sit tractari. Nunc verò, quo pacto Christus non excandescat, dum non in aditu templi & porticu, sed vel ad ipsius sacri Altaris pedem, ubi non inanimatæ quædam tabulæ, sed vivum vivi DEI Filij corpus verè & realiter conservatur, non licita, sed illicita cum grandi debitæ reverentiæ dispendio tractantur? Unde mirum non esse debet, Reges ad ejusmodi in templis nefanda oscitantes, severissimè à DEO castigari. Certè, terræ sanctæ Regnum, quod Balduini tenuerunt, quemadmodum teste Surio, S. Christinæ mirabili Christus revelavit, ob exiguum Christianorum erga loca sacra respectum & cultum, est eversum.

Com-

Compertum habemus, multa
 gravia peccata Regno Cypri DE-
 um ignovisse, quòd inde facer
 Templorum cultus non exularet.
 Cultum insuper idolorũ in monti-
 bus & sylvis Regno Judææ DEUS
 dissimulavit. At ubi debitus Tem-
 plo sancto honor defecit, cum
 Templo pariter defecit & Regnũ.
 Unde illud 3. Reg. 9. v. 7. DEUS
 ad Salomonem : *Templum, quod*
sanctificavi Nomini meo, projiciam
à conspectu meo; eritq; Israël in pro-
verbium, & in fabulam cunctis popu-
lis.

Habemus sanè, quod metua-
 mus, ut nè ex nobis, quas nostro
 jam tempore patimur, calamita-
 tes, ob paria delicta infligantur.
 Cuncti ergo in gloriam zelumque
 domus DEI incumbamus; ut abo-
 mi-

minationibus ejusmodi invigilent personæ publicæ, hæc una eas cura fatiget. Hæc una, inquā cura fatiget privatos, ut defectus suos emendent. Neque enim Deus ejusmodi publica delicta dissimulare, sed calamitatibus, malisque publicis castigare, ut vidimus, consuevit.

Pompejum magnum, tamdiu rebus prosperis usum fuisse legimus, quamdiu suum Templo Solymæo cultum tribuebat; hoc deficiente, eò infelicitatis redactus est, ut à vilissima gente, cum immortali Nominis sui infamia trucidaretur.

Quod minor rebus sacris cultus exhibeatur, Oratoriorum, ut vocant, in ædibus privatis multitudini, tribuamus oportet. Unde
S. Ca.

S. Carolus Borromæus induci non potuit, ut ejusmodi Oratorium Mediolanensium gubernatori concederetur. Quin & ipse Christus per famulum suum Mariam de Aliofrin moneri fecit. Archi-Episcopum Tolosanum, nè sineret ullo pacto privatis in ædibus sacrosanctum Missæ Sacrificium celebrari; tantus enim hac in parte invaluerat abusus, ut cum exigua in res sacras veneratione, Missas juxta ipsos lectos voluerint celebrari.

Aliud peccatorum genus in quibus summi DEI honor, & sacrosanctum Nomen ejus mirum in modum læditur, in perjurijs, & blasphemijs consistit. Quæ enormis profectò in tremendam illam ac summam Majestatem injuria; non poenis duntaxat plectitur, sed
&

& delictis, in quantum nimirum in pœnam à DEO permittitur, ut ubi abundat numerus perjuriōrū, ibi quoque superabundet multitudo peccatorum. Unde ipse Spiritus sanctus hominem pejerantem, iniquitate replendum asseveravit. Pœnæ, quas propter isthæc peccata DEUS Regnis infligit, ejusmodi profectò sunt, ut attonitum meritò reddere possint audientem.

Dedit Hungaria evidens rei hujus argumentum, quando Rex Vladislaus pactum cum Amurate, per sacrosanctum JESU Christi nomen Pacis fœdus, ex falsa statūs ratione dissolvit, & validissimo Exercitu Ditiones Amuratis inundavit. Hic, ubi improvise Hungarorum insultu se impari armis præventum, & ingenti occumbe-

re strage videret, rupti fœderis memor, confectæ cum Vladislao Pacistabulas è sinu depromit, furibundusque adversus cœlum conversus, quid hoc est Christe? exclamat, itane fidem servant Christiani? si, ut ajunt, eorum Deus es, proh! eccur tantam per ruptum fœdus illatam Nomini tuo injuriam non ulcisceris? Dixit, & comitante ultrice DEI justitiâ, facto in Vladislaum impetu, vicit, ac prostrato miserum Vladislao, dissipatoque Hungarorum Exercitu, gloriose triumphavit. Quid non futurum Regno nostro metuamus? ubi perjurijs omnia personant, tantæque Divino Nomini injuriæ inferuntur?

E. maximis quoque, quæ in Sacro codice reperiuntur, vindi-

ctæ

et Divinæ argumentis illud est, quod dedit Rex Sedecias. Hic ab Exercitu Regis Babylonis, Hierosolymis longâ obsidione vallatus, ut sibi suisque consuleret, intempestâ nocte ad fugam se convertit. Verùm persecutus est eum Chaldæorum Exercitus, & apprehenderunt Sedeciam in deserto, & adduxerunt eum ad Regem Babylonis, & jūgulavit Rex filios Sedeciæ in oculis ejus, sed & omnes Principes Judæ occidit. Oculato etiānum relicto Sedeciā, ut luctuosæ hujus tragœdiæ posset esse spectator. Pòst paulùm enim oculis privatum, vinculisque compositum, ad ultimas incitas redegit : omnia in prædam cesserunt, Domus Regis, & omnes domus Jerusalem incendio conflagrâ.

grârunt; subditi autem ejus omnes Babylonem adducti sunt in servitutem. Horribilis hæc trågædia DEO tragædo acta est, quòd Sedecias datam Regi Babylonix fidem, ac interpositâ DEI autoritate confirmatam, contra jus, fâsque omne violârit. Tantushonoris sui in DEO est zelus, ut fidem nomine suo munitam, quantumvis Infidelibus ac Idololatrâ juratâ factam tamen tectâmque velit conservari. Habemus sanè, quod ingemiscamns, tot conditas de juramentis Constitutiones, & ab ipso cœlo, dum primùm emanarent approbatas, parum admodû profecisse, atque exiguo vix temporis spatio perdurâsse. Atque inde fortassis est, ut instabilis earum vigor, nullam felicitatis nostræ stabil-

bilitatem mereatur. Non pauci, proh dolor! ex inferioribus Ministri, ubi clementiæ locus est, sunt rigidi contra intentionem sui Regis executores; ubi verò propter perjuriam morte mulctanda, causa DEI, Ejusq; honoris agitur, molles admodum atque remissi.

Neglectus talis pragmaticæ in gloriam DEI summè vergentis excusari sanè ex eo non potest, quòd sciamus nonnullos ab ijs, qui inimicos suos ultum ibant, falsò perjurij insimulatos fuisse. Nulla quippe tam bona res est, quâ non abuti perversus quisque possit. ut optimè l. 54. ad public. notat Augustinus: *absit, inquit, ut ea, quæ propter bonum ac licitum facimus, aut habemus, si quid per hæc præter nostram voluntatem cuique mali acciderit,*

D 3

*rit, nobis imputetur; alioquin nec fer-
ramenta domestica, & agrestia sunt
habenda, nè quis eis, vel se, vel alte-
rum interimat; nec arbor, aut restis,
nè quis se male suspendat; nec fenestra
facienda est, nè se quisquam per hanc
piacipitet. quid plura commemorem?
cum ea commemorando finire non
possem. Quid enim est in usu homi-
num bono & licito, unde non possit
etiam perniciēs irrogari. Non debet
rigida de juramentis videri pra-
gmatica; nam & apud Ægyptios
receptum fuit, perjuros mortis
pœnâ mulctare, & apud Indos
constitutum, ejusmodi reos, ma-
nuum pedumque digitis mutilare.
S. quoque Ludovicus Galliæ Rex,
labra illius qui blasphemū quod-
piam verbum (quod inter perju-
ria usque quaque pronum est) pro-*

pro-

protulisset ; candenti ferro ustulari præcepit.

Ingens præterea Religionis defectus, Ignorantia plurimorum Fidei mysteriorum censi potest, atque eo quidem in loco, in Hispania nimirum, ubi salvificæ fidei doctrinam apprimè florere opinamur. Quot enim eorum esse existimamus, qui, quisnam sit Ghristus, quot sint in Trinitate Personæ, aut quomodo sint unus Deus, aliæque ad salutem necessaria, penitus ignorant ? quot rursus eorum ? qui nesciunt, quis sub sanctissimæ Eucharistiæ speciebus adorandus proponatur ? quot denique in sacram Exomologesim irrepunt errores ? Raræ Confessiones sunt bonæ, quæ ruri fiunt, & vel doloris, firmique propositi, vel integri-

tatis necessariæ defectu, magna sacrilegia committuntur. Mirum profectò non est, ob tantam in re tanti momenti negligentiam, alia loca expilata & vastata, alia vehementer afflicta; omnia penè extremis calamitatibus oppressa esse.

Magnâ sanè, quod locorum imprimis Pastoribus incumbit, hîc opus est correctione. Verùm in Regem, & Principem nostrum poena tandem detorquetur, ubi Regnum ob suam culpam devastatur.

Rex Josias Divinæ legis Ignorantiæ illacrymans, atque poenam, quæ idcirco Regno suo imminere poterat, exhorrescens Paralyp. 2. v. 34. sic legitur fuisse lamentatus: *Magnus furor Domini stillavit super nos.* Quare de remedio anxius;

con-

convocatis omnibus, arrepto volumine ipse Divinæ legis verba prælegit, ut nemo necessariam ad salutem doctrinam ignoraret ; lulentum fanè zeli exemplum præbens, ad rudes principijs salutis imbuendos. Tanti hoc esse momenti censuit ; & majoris fanè est, quàm à multis æstimetur.

Non leve etiam Religioni vulnus infligitur, si Ecclesiarum, ac Ecclesiasticarum Imunitatum privilegia violentur. Sique contra Pontificis intentionem onerentur. Tametsi rationi consentaneum sit, ut status Ecclesiasticus Statui quoque Publico, quemadmodum fieri consuevit, auxilietur. Multis Regnis perniciosum fuit in hoc deliquisse. Agobardus Lugdunensis (contra Simon :) expendens

causam, quam ob rem Christus voluerit, ut tributum non ex eo, quod portabant Apostoli, solveretur; sed quod in quoquam pisce reperiretur? quia *Dominici loculi*, inquit *in pauperes & in dies festos expendebantur, & cum exegisset necessitas, in alimenta Discipulorum Domini*; noluisse Dominum rem pauperum in publicam exactionem mittere, sed omnipotenti virtute, quod utique pauperum non erat, de mari tollere & fisco reddere voluisse; & formam dare Discipulis, quam Ecclesia commendarent.

§. VIII.

Peccatis Injustitiæ, Regna everti.

Vereor sanè, ut nè pauciora recensitis contra Justitiam peccata

cata

cata committantur, sinè qua nulla Regni felicitas constare potest. Hinc eam Plato in suo de Repub. libro, fontem prosperitatis appellat, sinè qua Imperiorum machina nequeat gubernari. Unde Plutarchus lib. de doct. Princip. celebre veterum referens effatum ; *scripserunt, inquit, & docuerunt Philosophi, absque Justitia Principatum gerere, nec Jovem quidem ipsum posse.* Justitiâ Romani floruerunt, & hâc Imperium non modò conservârunt, sed ultra limites quoque suos extenderunt. Faliscos non potentia, sed Justitiâ Roma subegit. Dum enim Justitiam, quam erga hostes quoque suos Romani exercebant viderent : ipsimet illis portas urbis suæ recluserunt, felices se

fore rati, si tam justæ & æquæ Nationi subessent.

Neque Rex Pyrrhus armis Romanorum adactus est, ut pacis fœdus cum ijs pacisceretur, sed Justitiæ exemplo. Id habet in regno præclarissima hæc virtutum prærogativa, ut hostes sibi suos vel devinciat, vel vincat; Incolas verò; eorùmque fortunæ tueatur; contra injūstitia irriter, concitet, & perturbet universa. Non est, quòd tantarum calamitatum causam indagemus, dum tot homicidia, tot furta, tot fraudes, tot usuras exerceri, dum tantillos, quod æquitati consentaneum, procurare: dum tantos commodo suo studere, & quàm plurimos videamus. Pauci reperiuntur, qui bonum publicum, debitumque suo Regi obsequium

quum privatæ suæ præferant utilitati; unde sumæ injuriæ fons scaturit, & origo. Quemadmodum enim, ut inquit Lactantius (lib. 1. de Div. Just. c. 4.) à quibus abest *studium lucri, abest etiam voluntas peccandi, & causa fallendi*; ità etiam à quibus studium lucri non abest, neque voluntas peccandi abest, neque causa fallendi. At quantumvis perniciosas sanè Rebuspub: injurias videamus, ex tamen, quæ à militibus, præsertim ubi impunes fuerint, inferuntur, multò perniciosissimæ sunt censendæ. Inde ruinæ suæ principium habet disciplina militaris, neque enim illatæ ab hoc hominum genere injuriæ, vel inde duntaxat sunt violentæ, quod vi armatæque manu inferantur, majorique amicis

sæpe, quàm inimicis sint detrimento; sed quòd petulanti prædandi ratione, ad obtinendam victoriam coram oculis Divinis inhabiles, & indigni reddantur. Quin & fieri potest, ut quidquid Clementissimus Rex noster Pietate Domûs suæ ædificârit, intolerabili facis ejusmodi violentiâ collabascat in ruinam. Fit proinde, ut delictorum ejusmodi vindex Deus triumphari ab hostibus copias nostras permittat, quòd ad justî bellî rationes se non conformârint.

Quæ justior causa belli esse potuit, quàm dum præcipiente Domino, undecim tribus Israël ad castigandam Benjamitarum insolentiam consurrexerunt? binis tamen vicibus quadraginta millibus hominum interneccione deletis,
victi

viſti ceciderunt. Neque enim. DEO placet, vel juſtam etiam cauſam per ſcleratos homines tueri. Quæ juſtior belli cauſa eſſe poſſit, quàm Eccleſiæ ipſius deſenſio ? Nihilominus Dionyſius Carthuſianus ep. ad Cath. parænet. de militibus loquens, ità profatur : *Dominus & Salvator noſter unigenitus Patris æterni ſacraſſimam Fidem, & immaculaſſimam Evangelicam legem, quam primò proprio ore, deinde per ſanctos Apoſtolos in hoc mundo docuit. per vitioſos & impios Chriſtianos, fidei inimicos, & Evangelicæ legi rebelles defendere, atque diſſundere non dignatur.*

Ut Auspice DEO Rex Juda Amasias victoriâ potiretur; præcepit Dominus centum millia pugnatorum, quorum opera mala erant

erant, dimitti; quos maximis impensis Rex Regno suo iussit exulare. Neque enim volebat DEUS, à scelerato pariter ac numeroso, sed à pauxillo potiùs, & vitijs perpurcato Exercitu, Victoriâ reportari. Non minuit Exercitûs vires abscissa multitudo centû millium Virorum, sed magis intendit paucitas delictorum; quôdque viribus eorum sperari poterat, hoc desperari peccatis. Bene perpendendû est, quod hâc occasione Regi Propheta, DEI nomine, nunciavit: *quod si putas inquit, in robore exercitûs bella consistere, superari te faciet DEUS ab hostibus.* Dum Seron Princeps Exercitûs Syriæ Judæ Machabæo bellum inferret 1. Mach. 3. *ascenderunt cum eo castra impiorum fortes auxiliarij, & exivit Judas obviam illi*

illi cum paucis quidem, sed probis;
& licet inediâ pene confecti essent,
innumerabilibus tamen inimicis
suis prævaluerunt. Non potest
tantum multitudo improborum
quantum paucitas disciplinatorum.
Illis disciplina deficit, & malitia
superabundat, sine illa vanæ sunt
armorum vires, hæc divina ultio
provocatur. Neque ab insolentia
impiorum, præter poenam quid-
piam expectari potest. Bene dixit
Nicephorus Gregora Hist: Rom:
lib. 6. *Exercitus, quem injuria, &*
audacia antecedit, plerumque cladem,
& interitum ominatur. Joannes
tertius Lusitanæ Rex, ut Regnum
illud à scelestis hominibus perpur-
garet, plurimos militiæ suæ aucto-
ratos in Indias, eorum illic operâ
usus, ablegavit. Sed cum Deus
Regem

malis adversus paucos bonos bellum gerere. Et interrogatus Socrates : quæ Civitas bene munita foret ? respondit : *quæ bonos viros habet.* Ingens error est ; nimiùm militibus indulgere, neque plectere eorum excessus. Summa etenim injustitia est, liberum idcirco ijs relinquere inferendarum injuriarû exercitium, quòd hâc tempestate eorum operâ Rex utatur : fallimur hâc opinione ; neque enim utiles erunt suæ Majestati improbi milites, qui neque nova Eidem regna occupabunt, neque illa, quæ possidet, conservabunt ; sed, post factas graves expensas malum finem cum summo Monarchiæ detrimento sortientur.

Victorias Tamerlanis , sunt qui existiment , Justitiæ deberi , quòd

quòd ea potissimùm in Exerciti-
bus ejus facta testáque conserva-
retur, qui quamvis, quos sol un-
quam vidit, numerosissimi essent,
omnibus tamen ad victum ami-
ctumque necessarijs abundabant.
Exciti quippe è longinquis etiam
regionibus ruricolæ, opifices, Mer-
catores, Annonarij, quidquid de-
siderabatur, pro accurata pretij
solutione procurabant. Neque e-
nim militum vel ullus erat, qui vel
solvendo non esset, vel rapinâ vi-
ctitâsset. Hinc cùm non nemo la-
tis quidpiam sinè pretio ab egena
muliere accepisset; eum Tartarus
mox eviscerari, & quod epotârat,
lac inde depromi imperavit, ut re-
fertur in Theatro Vitæ Hum. l. 8.

Hoc stante Justitiæ rigore Ex-
ercitus illi, non quietem modò in-

ter

ter suos , sed victorias quoque ab hostibus reportârunt. DEUS enim exercitam etiam ab Infidelibus Justitiam favoribus suis cumulat, & coronat.

Noverunt id probè Poloni, qui quantumvis omnes sub signis Christi Christiani militarent; Ethnicorum tamen quempiam, cui nomen Jagello, ob raram Justitiæ ejus famam, ad solium Regni evexerunt, existimantes plus rebus eorum prosperis accessurum, ubi Justitia sinè Fide sui Capitis vigerit; quàm Fides sinè Principis æquitate: quo factum, ut secundissimis rerum successibus regnum floreret, tandemque Rex ipse Religioni Christianæ manus daret. Fulg. lib. 2. c. 5. Alphonsus Rex noster, dictus Imperator, immor-

talem nomini suo gloriam, regnís-
que summam felicitatem compa-
ravit, quòd Justitiam sibi præ reli-
quis haberet commendatam. Cui,
cùm ad aures pervenisset, gregari-
orum suorum quempiam induci
non posse, ut rem ruricolæ furto
sublatam restitueret, ipse Toletó
mentito vestitu clàm abiit, ut juxta
Justitiæ leges animadverteret in
raptorem. Apprehensúmque ex
improvísó ante domûs suæ janu-
am laqueo enecari curavit. Hâc
ratione unius morte, multorum
vitam, imò & suam, Regníque fe-
licitatem conservavit.

Plenum est horroris, quod
DEUS Regi Achab minatus fuerat,
quòd justitiam contra Benadad,
ut par erat, non administraret.
Quia dimisisti, inquit Dominus 3.
Reg,

Reg. 20. 42. *Virum dignum morte de manu tua, erit anima tua pro anime ejus, & populus tuus pro populo ejus.* Gravis profectò DEI pœna, sed justa : Ut nimirum in eum pœna redundet, qui injustitiam, cùm potuerit, in reò non sit executus. Væ nobis ! si eò infelicitatis redigeremur, ut delicta non plecterentur. Nam, ut dixit Politicorum quispiam (in axiom. Polit.) Respublicæ non tam peccatis, & hominum lapsibus collabascunt, quàm delinquentium impunitate.

Non aliam ob causam Tribus Benjamin in nihilum est redacta, quàm quòd ij, qui Virgini cuiquam vim intulissent, pro condigno non plecterentur.

Lacedæmones pari ratione, quòd in Puellarum violatores non anim-

animadvertissent, eodem in loco turpiter victi occubuerè; atque ità Respublica tam nobilis gloriæ suæ pariter ac libertatis finem invenit.

Neque Græcia contra Trojam ad ultimum usque ejus excidium alia ex ratione conjuravit, quàm quod nefandum à Paride commissum raptum plectere detrectaret.

Italia infestis Gallorum armis vexata, ipsaque Roma in cineres est redacta, quòd Justitia contra juvenem, qui Conjugi Arontis Hetrusci vim fecerat, non administraretur.

Optimum ad accidendas gregariorum injurias remedium foret accurata pensio stipendiorum quâ disciplina militaris conservari, hâc verò

verò victoriæ poterunt reportari. Quibus enim magis quàm ijs opitulandum, qui relictis laribus, fortunisque omnibus, pro Rege & Patria vitam sanguinemque profundendum obrulerunt? Nulla sanè melior est, quàm quæ militibus impenditur gratitudo.

Injuria per homicidia illata, tantò ceteris major est, quantò magis Divinam irritat ultionem. Sed proh dolor! tantâ multis in locis facilitate homines occiduntur, quantâ fæmininæ in uxores ducuntur. Plurima homicidia evitarentur, si ipse quoque pugionum abusus puniretur.

Præclarum hâc in re exemplum præbuit Rex, noster Philippus secundus, qui sero vespere in Sylva Segoviensi Cursorem in

E

Flan-

Flandriam expediturus, duos aurigarum suorum à verbis ad rixas, à rixis ad facta devenisse, è fenestra observavit. Alter alterum gladio vulnerârat : Rex ubi è nemore redux, rhedâque conscendens, animadvertit, reum illi infidere, ad D. Jacobum de Cordova conversus ; quâ inquit, factum est ratione, quòd hic homo in vincula non sit coniectus ? Siquidem, subjungit ille, nemo in promptu erat, cui rhedæ cura committi posset. Bene est, reposuit illi Regia Majestas, in vincula & compedes confestim conjiciatur, mihi verò rhedæ locò caballus adducatur. Dictum, factum : neque enim magnus Rex ille legibus Justitiæ propriam commoditatem antepone-re volebat. Si homicidia nummis
non

non redimeretur; non esset dubio
procul tanta eorundem frequen-
tia. Isabella Regina Catholica, in
magna licet necessitate constitu-
ta, magnam tamen pecuniæ sum-
mam oblatam admittere noluit, ut
reo delictum condonaret.

Ipse Rex Philippus, quantum-
vis magnâ pecuniæ vi oblatâ, in-
duci non potuit, ut graviorum la-
psuum reus quispiam debitâ poenâ
solveretur; asserens, poenas tam di-
vitibus, quàm pauperibus scriptas
esse, neque tribunalia ad instar te-
læ aranearum esse debere, quæ
muscis solum irretiendis insidien-
tur, feles autem liberè transire per-
mittunt. Quâ quidem Justitiæ
administratione, illud effecit, ut
nihil metuerent innocentes, no-
centes verò haberent, quod for-

midarent. *Æquâ Justitiæ bilan-*
ce, & divitum pariter ac pauperum
delicta ponderabat.

Inter revelationes, quas de sa-
 lute Regis hujus nonnulli Autores
 retulerunt, hæc quoque non vana
 videri potest, quod cœlum ingre-
 denti sanctorum quispiam, evagi-
 nato gladio conspicuus obviâ
 sese obtulerit, in signum Justitiæ in
 terris rectè administratæ; quæque
 inmarcescibili æternæ gloriæ corol-
 lâ meteatur coronari. Ad hanc
 Regis æquitatem, suam quoq; æ-
 quitatis normam Ministri confor-
 mârunt; ut nè ab egena plebe
 quidpiam iniquè postularent, nè-
 ve eos, quibus curta domi supellex
 penitus emungeret, quod profectò
 nisi sacro-sanctè servaretur, san-
 gvineis propè lacrymis foret de-
 flendum. Sed

Sed advertendū est, nimis quā-
pronus esse, ut occasione Justitiæ
exercendæ, sæpenumero in eam
delinquatur; dum causæ litēsque
per grandia temporum intervalla
protrahuntur. Quibus quidem
motis non rarò Regis, nonnunquā
etiam totius Regni negotia impli-
cabantur.

Defectum Justitiæ defectus
quoque veritatis & sinceritatis co-
mitatur. Hinc neque hac in par-
te deest, quòd suo remedio cure-
tur. Adsit veritas & sinceritas, &
magnis damnis consulatur. Rectè
procedent omnia, ubi negotia si-
nè fallacijs tractabuntur. Non
habet solidū fundamentum, quid-
quid veritati non innititur. Pytha-
goras apud Ælium lib. 12. c. 9.
ajebat : pulcherrima duo, quæ

DEO magis conformarent; inter homines reperiri, alterum: benefacere; alterum: agere cum Veritate. Non est spernendum tantum bonum, quod nervus est humanarum actionum, fundamentum Justitiæ simul, ac Imperiorum.

In celebri illa, coram Persarum Rege, disceptatione fuit non nemo, qui Regem in orbe fortissimum esse existimaret; prævaluit tamen sententia illius, qui veritatem omnibus, ipso quoque Rege, fortiolem asseribat. Namque & ipsis Regibus nè fidem amittant, opus est Veritate. Non tutè Principis subsistet solium, si Veritate & Justitiâ non firmetur.

Advertunt Politicorum nonnulli, Alexandri Magni fortunas tum primùm collapsas, imò & i-

psum

psum improvisâ morte obrutum
cùm datam Indorum quibusdam
fidem, illâsam non servaret. Cùm
contrâ, ubi Veritate & Sinceritate
omnia condiebat, majorem se to-
to orbe, Dominum & Victorem
non videret. Non est, quòd si-
mulationi, fraudibus, & fucis
multùm fidamus, cùm fieri non
possit, ut regno non cedant in rui-
nam.

Ipse S. Spiritus, qui crebras
Imperatorum vicissitudines ever-
sionesque injustitijs tribuit, idem ob
varias fieri fraudes asseverat.

Tam potens, tantarùmq; vi-
rium est Veritas, ut conservatrix,
futrixque Rerum publicarum me-
ritò censeatur. *Tantam semper po-
tentiam Veritas habuit*, inquit Cice-
ro in Vatin. *ut nullis machinis, aut*

cujusquam hominis ingenio, aut arte subverti potuerit, & licet in causis nullum Patronum aut defensorem obtineat, tamen per se ipsa defenditur.

§. IX.

Peccatum Impudicitiae ad Monarchiarum eversiones ruinas plurimum contulisse.

PECCATA sensualitatis, aliæque Temperantiae moderationique; imprimis adversantia non minus malis nostris addiderunt incrementum. Illa enim & pabulum vitijs plurimum subministrant; & castigatos mores vel maximè corrumpunt; neque ab ijs præter Re-
rumpublicarum exitium, aliud potest expectari. Nescio profectò, an Imperij alicujus vel diminutio,

vel

vel ruina ortum duxerit aliunde. Hispaniæ everfionem huic certè peccato tribuit Salvianus, & Bonifacius Martyr. Et in præfentibus calamitatibus idem nobis accidiffe opinor, quod Romanis declinante illorum Monarchiâ eveniffe dicit S. Auguftinus lib. 2. de Civ. c. 33. dum enim Imperium eorum, propter ejusmodi peccata, propiùs femper in ruinam inclinaret, ità ut exitio illi, diffiti etià longè populi illacrymarentur; in ipfa tamen Aula Romana genio liberè indulgebant; & lascivis cupidijis magis femper litabatur. Unde exclamat Divus: *O mentes amantes! quis eſt hic tantus non error, ſed furor, ut exitium veſtrum, ſicut audivimus, plangentibus Orientalibus populis, & maximis Civitati-*

*bus in remotissimis terris publicum luctum, mœrorémq. ducentibus, vos theatra quæreretur, intraretis, imple-
retis, & multo insaniora, quàm fue-
rant antè, faceretis. Et paulò pòst
adjungit: neque enim in vestra secu-
ritate pacatam Rempublicam, sed lu-
xuriam queritis impunitam, qui de-
pravari nec rebus prosperis; nec corri-
gi potuistis adversis. Volebat vos il-
le Scipio terreri ab hoste, nè in luxuri-
am deflueretis; vos nec contriti ab ho-
ste luxuriam repressistis; perdidistis
utilitatem calamitatis, & miseri fa-
cti estis, & pessimi permansistis.*

Nescio quid portendat, quòd
dum in Belgio, Germania, & Ita-
lia, nostras patimur jacturas, in
ipsis tamen Monarchiæ hujus vi-
sceribus, scelera non perseverent
modò, sed augeantur, quantò a-
troci-

atrociores pœnæ infliguntur, tantò
 majores culpæ cumulantur. Quo-
 modo fieri istud contendam, quòd
 fieri possimus prosperitate perversi,
 & adversitate non corrigamur?
 ingens est malum, tantùm tantis
 nos calamitatibus affligi, neque
 tamen corrigi posse; perdimus u-
 tilitatem calamitatis, quæ nobis à
 manu DEI, ut commonefaciat,
 immittitur, neque tamen nos ab
 hoc onere & dolore liberamus.
 Magnum sanè malum est, pati si-
 nè fructu, affligi sinè emendatio-
 ne; mala tolerare, & à malo ta-
 men non abstinere. Meritò la-
 mentationem suam repetere po-
 terit S. Hieronymus Ep. 11. ad
 Gaud. *Proh. nefas! orbis terrarum
 ruit, in nobis peccata non ruunt!* Per-
 suasum nobis sit, verissimum esse,

quod censebat Scipio, ut refert S. Augustinus, *felicem non esse Rempublicam stantibus manibus, ruentibus moribus.* Difficile est crescere, & florere felicitatem, ubi amplius radicantur vitia, nec priora extirpantur; atque imprimis quidem illa sensualitatis, deliciarum, & commoditatum, quæ omnibus, quotquot fuerant, Imperijs, ut Politici adnotârunt, exitio fuerunt. Quos inter Spitneus l. 5. de Tranq. animi, sic ait: *Quid fieri potest, ut Regna, & Respublicæ, in quibus Luxuria & delicia vigent, diuturnâ prosperitate fruatur?* Cato Censorius mirabatur, quomodo Civitas, in qua pisciculus carius venderetur, quàm bos, diu stare posset? quoniam homines, aiebat Pythagoras, *delicijs opimati, & exsaturati, pigri & insolentes fiunt;*
hinc

*hinc ruina illis impendet ; nam molle
ocium illos facile in bellum aut civile,
aut cum vicinis impellit; & cum mol-
les, & effeminatos reddiderit, efficit
etiam, ut bellum temerè susceptum
male administrantes, vincantur. Hoc
Statua Nabuchodonosoris, illud
Monarchiarum simulacrum, indi-
cabat ; quæ cum pedibus è limo-
formatis sustentaretur, unius lapil-
li casu est collapsa. Lutum quippe
immunditiæ, atque corporalium
cupediarum ità quaecunque Im-
perium disponit, ut pauculis icti-
bus ruinetur : quemadmodum o-
mnibus Imperijs, quotquot ab As-
syrijs ad usq; nostra tempora mo-
dicum perdurârunt, legimus acci-
disse. Et illa quidem Assyriorum
Monarchia per impudicam vitæ*

rationē, quā jam inde ab ortu suo
assuevit, est collapsa;

Chaldæi quoque inter pelli-
ces & Convivia; Persæque, dum
mulieribus vel maximè vacarent,
ab hostibus sunt superati.

Ipsi etiam Romani Mundi
dominium perdiderunt, cū ma-
ximè appetitui impuro fræna la-
xâssent, ut advertit Augustinus.
Ita Carthago perijt: illudque sem-
per his vitijs effectum est, ut mun-
di moles concuteretur. Hinc ele-
ganter cecinit Prudentius: in
Hamat:

Hic mirum si membra orbis concussa rotantur.

Si vitijs agitata suis mundana laborat

Machina, si terras luis incentiva fatigat,

Exemplum dat vita hominū, quo cetera peccant.

Vita hominū, cui quidquid agit vesania & error

Sappeditant, ut bella fremāt, & fluxa voluptas

Defluat, impuro ferveat ut igne libido.

Ubi

Ubi hoc vitium in animis nostris dominabitur, magnam profectò rerum vicissitudinem possumus ominari. Si impurâ hâc peste contaminabimur, ingens sanè nobis semper calamitas imminebit. cùm dicat Salvianus lib. 7. de Provid: *Et miramur, si miseri, qui tam impuri sumus, si ab hoste viribus vincimur, qui honestate superamur.*

Egregium profectò Fabij Maximi fuit stratagema, quòd armis Hannibalem invadere noluerit, sed duntaxat procurare; ut belli curis liber, in Provincia deliciarum ferace, cum Exercitu suo luxuriæ & gulæ deditus, ipse suam, sibi suisque ruinam fabricaret.

Nec Româ, quamdiu militibus in omnem luxuriam effusis abundabat, Numantiam domare potu-

potuit, donec duce Scipione exercitus suos pellicibus, cocis, cupidarijs, aliâque id generis fece per-purgâſſet, & hanc unam virium Romanarum corruprelam, impudicitiam nimirum, & illicitas cupidias, ſuſtuliffet. Neque aliud eſt, quod generoſa ceteroquin Hiſpanorum pectora labefactet; metuendum enim eſt, ut nè vel hâc ipſâ parte à præcelſis facinoribus Majorum noſtrorum degeneremus. Quare plurimùm nobis proderit Magiſtratus Cenſorius, quô cum ingenti Reipublicæ ſuæ emolumento utebantur Romani, ad mores reformandos, debitamque moderationẽ conſervandam.

Post hæc vitia, aliud ſequitur magis deplorandum. Nimia nimirum impudentia in peccando,

ac

ac exigua observantia erga Superiores. Timeo, nè multis applicari possit id, quod ex Seneca refert S. Bonaventura lib. 3. Phar. c. 12. *Mali mala sua, quod malorum ultimū est, amant; tunc autem consummata est infelicitas, ubi turpia non solum delectant, sed placent; & desinit esse remedio locus, ubi, qua antea vitia fuerunt, mores fiunt.* Extrema perversitas est, quando in pretio est malitia; quando non solum liberè aut impunè, sed velut officiosè peccatur. quando, inquam, defectu verecundiæ (quā magis, quàm virtute aliā vitia coërcentur) culpæ infamia in gloriam reputatur. Nam, ut inquit Seneca: *Multi à rebus vetitis abstinent, magis peccandi verecundiā, quàm bonā voluntate.* Hinc fit, ut absente verecundiā, omni-

omnium peccatorum licentia inducatur.

Nonnulli sensualitate audaciores sunt, dum sibi persuasum habent, ejusmodi peccata, aut tam gravia non esse, aut saltèm faciliùs, quàm ea, quæ sunt injustitiæ dimitti. Arbitrantur ij, magis rigidam reddendam esse de peccatis hominum contra homines, quàm de illis, quæ duntaxat ab homine in DEUM committuntur.

Sed, utut fatuus horum sit sensus, in sacris certè paginis non legimus majores urbibus, Provinciis, quin & toti orbi poenas esse inflictas, quàm propter carnis delicta. Hæc quippe, non leves quoque injurias in sese comprehendunt, pèrque illa, non in DEUM duntaxat, sed homines etiam peccatur.

catur. Adulteria enim, stupra, raptus & scandala, gravissima cum proximi detrimento sunt peccata. Præterquam, quòd ingens sit error eorum, qui, quòd lascivijs suis in-damnum tertij non abutantur, hâc spe, ac præsumptione decepti, faciliùs se Divinæ ultionis veniam consecuturos opinantur. Atque hinc accedit, quòd in scelerum voraginem præcipites magis ferantur. Metum potiùs illis hæc eorum spes incutiat, est necesse. Hæc enim ratione difficilior peccatorum venia, & delicta quodammodo irremissibilia redduntur, qualia ea censentur, quæ in Spiritum sanctum committuntur, cum ejusdem generis efficiantur.

De peccatis in Spiritum sanctum sacer textus dicit : quòd neque

que in hoc, neque in futuro seculo remittentur. Et asserunt Theologi, tunc contra Spiritum sanctum delinqui, quando contra spem Divinæ Misericordiæ, & cum veniæ præsumptione peccatur; adeò ut propterea, quòd veniam se meritos opinentur, eadem indigni magis reddantur; & quantò faciliorem sibi remissionem pollicentur, tantò reddant difficiliorem.

Fieri etiam potest, ut verecundiæ & honestatis defectus à luxu vestitus oriatur.

Xerxes, ut à Babylonijs semel subjugatis, omnem sibi perduellionis metam eximeret, inter alia, quòd id impetraret, & illud præcepit; ut vestitu valde molli multiplici, & undulato uterentur; existimans: depravatis vestibus, eorum

rum pariter vivendi rationem depravandam.

Non est possibile, quin contra modestiam & temperantiam, nimiam quoque præsumptione, & arrogantiâ deliquerimus, quâ ceteras Nationes vilipenderamus. Quandoquidem ejusmodi nobis idcirco pœnæ sunt tributæ, quæ potentiam nostram omnino dedecere videntur; Id quod sanè ad humiliandos nos ac plurimum inervit. Potuisset DEUS nos peste, & annonæ caritate castigare, & ita ad agnitionem delictorum perducere sinè humilatione. Sed eam Divina Providentia pœnam delictis nostris inflixit, qua intelligeremus, quòd ipse sit Dominus Exercituum, quòdque Victoriæ Regni nostri in Divinam ejus benignitatem.

tem, non in vires, & potentiam nostram sint refundendæ. Id ipsū agnoscendo nos humiliemus. Dānī victorias, quas de Anglia reportarunt, viribus suis tribuerunt; quo factum, ut arrogantiam amiserint, quæ sine fastu gloriosè compararant.

Tragicus sanè Regis illius Ranicus fuit; nam cum validissimo Insulam illam Exercitu aggrederetur, cum copijs omnibus repentinò aquis haustus, vitam inibi pariter ac gloriam sepelivit. Revelavitq; Dominus noster S. Eduardo, nimiam fastuosi Regis illius arrogantiam hanc à se pœnā punitam fuisse.

Habemus profectò, quamobrem peccatum istud cane & angve pejus fugiamus, cum Proverb.

16. 4. Salamon dicat : *Obominatio Domini est omnis arrogans.* Estque vitium istud ejusmodi censendum, quod manifestius ceteris , & irrevocabiliter DEUS plectit, ut probè agnovit Seneca in Frag: ità canens:

*Dominare timidus, Spiritus altos gere;
Sequitur superos ultor à tergo DEVS.*

Plerique Politicorum advertunt, quòd regnorum arrogantiam everfio eorundem comitetur. Et Veteres Nemefin ultionis DEAM comitem, vel pediffequam , Arrogantiæ pinxêre. Id quod cum eo Sapientis Prov: 16. 18. concordat, *Contritionem pracedit Superbia, & ante ruinam exaltatur Spiritus.* Plato fimiliter lib. 4. de leg. advertit superbum à DEO derelinqui. Neq; enim ulla potest effe defenfio, ubi non est DEI protectio ; & per

per consequens, ubi ista non est,
non poterit non esse, nisi perditio,
& ruina.

§. X.

*Afflictas Respublicas per pœ-
nitentiam pristinae suae glo-
riae restitutas esse.*

Recensuimus superiùs ea pec-
cata, quæ præsentium cala-
mitatum, quibus preminur, fons
& origo. Nunc ut ad remedia,
quibus eæ fortassis averti possint,
convertamur: ecquodnam meli-
us, magisque proficuum, quàm
morum emendationem, debitam-
que pro delictis pœnitentiam cen-
seamus? Hanc esse tutissimam e-
jusmodi malorum medelam, vel
illud sit argumento, quòd eam
Res-

Respublicæ variæ, tot tantâque Regna, admodum proficuum; sint experta; quando hâc ratione non modò collapsa restaurârunt, sed à ruinis etiam, & ut ità dicam, rudibus surrexerunt. Plura ejusmodi extant in sacris literis exempla; quorum nonnulla hîc in paradigma adducam, ut, quemadmodum plurimi calamitates à DEO imminentes, pœnitentiâ vel averterint, vel ab immissis sese expedierint, planiùs cognoscamus.

• Temporibus Josue, Judic: 2. sub optimo Principe, Israëliticus Populus adeò tamen sceleribus vacabat, ut justo DEI decernentis judicio severè admodum esset castigandus. Convocato quippe in populi reformationem Concilio, istud probitate suâ Josue merebatur;

F tur;

tur ; ut assistentem è cœlo haberet Angelum, qui imminentem ab inimicis interitum palàm minaretur. Quia tamen universus populus ad pœnitentiam, & sacrificia sese convertit, ac tot, tantisque lacrymis delicta sua deflevit, ut à profusis gemitibus locus ipse nomenclaturam & famam traxisse scribatur ; confestim Divinæ ultionis flamma adeò deferbuit, ut simul eam, quam, meruère prosperitatem, ultra centum viginti annorum spatia ad posteros quoque suos propagârint.

Pareni favorem ipsa nostra Hisparia in urbe Ecyæ est experta, Quando D. Apostolus Paulus cœlo in eam delapsus, ut constat ex ejusdem Archivo, refertque id ipsum noster Martinus de Rosa,
pu-

publicam peccandi licentiam salubriter reprehendit. Reprehensionis tenor, ad nostra tempora apprimè pertinens, iste fuit; DEI vindictam à populo, ob multas quidem, at præcipuè ob istas causas provocari: quòd Dominici festique dies, non eo, quo par est, ritu colerentur; quòd suus Divinæ Majestati, Sanctisque ejus cultus, inter tot perjuriam, tot, tantasque blasphemias nō tribueretur; quòd opera misericordiæ, debitæque Pauperibus stipes, aliæque id generis similia, negligerentur. Quapropter DEI nomine Divus hortabatur, ut sacrâ Exomologesi animos perpurgati, sacrâque Synaxi frequentius refecti, præfata vitia emendarent, omnemque blasphemandi occasionem, ludos nimi-

rum publicos & privatos extirparent; id nisi fecerint, gravem profectò à DEI manu immissam pestem grandi suo malo experturos. Fecêre, quod jubebantur, & legibus populo ad normam reducendo statutis, impendentem pœnam abegerunt. Atq; indè quot annis in festo Conversionis S. Pauli, duplicis memoriam beneficij; & quòd de peccatis suis admoniti, & quòd ab eorum onere liberati sint, sibi recolendam assumpserunt.

Israëlitæ à Mesopotamiæ Rege Cusan oppressi, aliud calamitatis suæ remedium, præter pœnitentiam non reppererunt. Nam simul ac in Cœlum conversi, misericordiam DEI implorârunt, confestim à DEO exauditis; per Ottonielem libertas tanta cum gloria est

est restituta, ut Tyrannum ipsum, qui octo annorum spatio regnum sibi usurpavit, suæ subjecerint potestati.

In DEO spes nostræ sunt collocandæ. Quamvis enim uno alterove, aut etiam pluribus annis hostium insultibus, & perditorum subditorum perduellione vexemur; ubi tamen pœnitentiâ correxerimus delicta nostra, cum ingenti nominis nostri gloria in manus nostras tradentur.

Post exactos feliciter quadraginta annos Israëlitæ ad peccandî licentiam redierunt: Sed & redijt DEUS ad pœnam infligendam. Quos Moabitarum Rex, occupatis pluribus locis; partim in servitutem ablegavit; partim ingenti ad commiserationem tributo oneravit,

ravit. Quod ubi flagellum à DEO propter peccata sibi immisſū cognoverunt, atque idcirco ad pœnitentiam redierunt, mox inſperato ac improvifo caſu ab ejusmodi tyrannide feliciffimè ſunt abſoluti. Neque enim media & modi DEO defunt, ea unico ſolummodo die perficiendi, quæ durante octodecim annorum oppreſſione non poterant impetrari.

Rurſus paucis elapſis annis ad vomitum reverſus eſt Iſraël; venit ergo Rex Jabin, ut eum in ordinẽ redigeret, ſubjecitque illum ſibi, & in miſeram ſervitutem redegit. Neque hìc DEI miſerentis dextera defuit. Sed, ubi ad ſeriam delictorum pœnitentiam reverſi, novis rurſus lamentis ac precibus cœlum interpellârunt; quantumvis valiſſiſſi.

diffimo Exercitu, sub strenuo Belli Duce, inermes illi mirum quantum vexarentur; ab immensa calamitate, ope geminæ mulieris mirabiliter sanè sunt liberati.

Nil refert potentes esse nostros Adversarios, modò in oculis DEI nos humiliemus, quandoquidem per instrumenta etiam debilia & inermia, quidquid vult, operari DEUS potest.

Iterum iterumq; Israëlitæ Jud. 6. DEUM peccatis suis irritârunt. Consurrexerunt ergo contra eos Madianitæ, qui pagis illorum expilatis, atque in cinerem redactis, pecoribus pariter abactis, ac hominibus trucidatis, tantum populo illi timorem incusserunt, ut relictis urbibus in montes profugi, inter ferarum latibula & spelæa

miseram sortem suam , nunquam
hactenus tantum oppressi, mise-
randum in modum deplorarent.
Sed & hinc benignissimus DEUS
populo suo ad poenitentiam , &
frugem reverso, non passus est in-
finitam suam misericordiam diu
desiderari. Sed exiguo trecento-
rum bellatorum manipulo, nè u-
nico quidẽ eorum deleto, omnes
inimicos, quàm ocysimè profliga-
vit. Tam facilè est DEO Respu-
blicas quantumvis oppressas , Si
mores in melius transmutent, &
ruinis ad fastigia elevare.

Sed neque hinc post tot tantos-
que Divinæ Bonitatis favores sub-
stitit malitia Israëlitarum. • Novis
adhuc delictis novas Divinæ ul-
tionis flammās provocârunt. • Et
consurgentes adversus eos Philisti

stai

Itæi & Ammonitæ, omnes eorum Provincias & tribus fædissimè devastârunt. Conversi ergo ad Dominum, magnâ voce exclamantes : *Peccavimus tibi, quia dereliquimus Dominum DEUM nostrum.* Jud. 10. & num. 15. *Peccavimus, redde tu nobis, quidquid tibi placet.* confestim ità Divinæ Misericordiæ viscera commoverunt, ut ejectis regno hostibus, insignes simul de ijs victorias reportârint.

Quanti clamores, quantûsq; pœnitentiæ fervor fuerit in Israël, dum ad delictorum suorum multitudinem magis, quàm ad formidabilem Holofernîs exercitum cohorrescerent Judæi; refertur in libro Judith c. 4. n. 8. *Clamavit omnis populus ad Dominum constantiâ magnâ, & humiliaverunt ani-*

nas suas in jejunijs & orationibus ipsi,
& mulieres eorum; & induerunt se Sa-
cerdotes cilicijs, & infantes prostra-
verunt contra faciem Templi Domi-
ni, & altare Domini operuerunt cili-
cio, & clamaverunt ad Dominum
DEUM Israël unanimiter. Inferbu-
erat hæc pœnitentia exhortatione
Pontificis Elian. Quo perorante,
ut inquit Scriptura n. 15. *Permane-
bant in conspectu Domini, ita, ut e-
tiam hi, qui offerebant Domino holo-
causta, præcincti cilicijs offerrent sa-
crificia Domino, & erat cinis super ca-
pita eorum, & ex toto corde suo omnes
orabant DEUM, ut visitaret populum
suum Israël.* Et quo tandem inde
secuto effectu? ut medio nulli un-
quam præviso, hētoico nimirum
Judithæ facinore, præter gloriam
divitijs quoque cumulati, in ple-
nam

plenam libertatem, securitatem-
que sint asserti.

Pari ratione, ubi delictis Isra-
elis offensus DEUS; permisit eos
à Philistæis non modò subjugari,
sed & ipsâ privari Arcâ Testamen-
ti 1. Reg. 7. ij verò exhortatione
Samuelis commoti ad jejunia, im-
plorandâque delictorum veni-
am, sese toto corde converterunt;
ab eo tempore denuo caput extol-
lentes; militante pro ijs, fulguran-
te, & tonante Cœlo, prodigosâ
contra Philistæos victoriâ sunt po-
titi.

Nec alio medio David, cum
militibus, populóque, qui partes
ejus sequebantur, est usus, dum 2.
Regū 15. v. 30. Regnum pater-
num Absolon temerariâ audaciâ
invasisset. Omnis enim populus,

& milites operto capite egressi sunt in montem Oliveti, copiosis lacrymis perfusi; quos ipse quoq; Rex pari pœnitentiæ amictu contextus, quin & nudis pedibus, sequebatur. Quo quidem raro pœnitentiæ exemplo id effecit, ut & insignem de perduellibus victoriam reportaret, & in pristinum regnum plenè restitueretur.

In arctiori erat Regnum Judææ, quando 4. Reg. 18. *Sennacherib Rex Assyriorum ascendit ad universas Civitates Juda munitas, & cepit eas.* Hic enim verò Rex Ezechias, ubi urbem viribus, se auxilio destitutum, aulam verò innúmerabili circumdatam exercitu vidisset; ipse opertus sacco, Regis exemplum sequentibus primoribus Ministris, imò & Senioribus Sacerdo.

dotum, orans in templo, magno cum fervore delicta populi deplorabat. Unde factum ut cum nulla è terris spes affulgeret; missus è cœlo Angelus noctis unius spatii, in castris Assyriorum, centum octoginta quinque millia percuteret, factoque diluculo universa Hierosolyma facta prædarum dives, omnique soluta metu à miseranda calamitate respiraret.

• Non absimili periculo populus electus, Esther 3. laboravit; quando consilio Amani inductus Rex Assverus, omnes interfici imperavit. Namque ubi hoc sibi cœlitus immissum flagellum agnoverunt, atque idcirco ad poenitentiae remedium, jejunia, aliasque corporis afflictationes recurrerunt, adeo, ut multis Sacco & cinere

prostrato utentibus, omnia ulul-
latibus, gemitusque personarent,
majorem sanè omni expectatione
suâ, non modò pro vitæ suæ secu-
ritate, sed inimicorum quoque su-
orum; exitio Hebræi verò populi
gloriâ & exaltatione, poenitentiae
fructum sunt consecuti.

Nunquam tantâ tyrannide,
ac Regis Antiochi temporibus,
populus Judaicus est oppressus; Is-
enim exquisitis eos tormentis ad
legem deferendam adegit, Tem-
plum incendit, & validissimos ad
eos delendos exercitus delegavit.
Quod ubi manifestam delictorum
suorum poenam esse Machabæi di-
dicerunt; confestim ad poeniten-
tiam & orationem conversi, pro-
digiosis de Cœlo victorijs hostes
profligârunt, majorique, quàm
un-

unquam antehac Rempublicam
Majestati restituerunt.

Illud autem singulare 2. Ma-
chab. 10. recensetur, quòd, cùm
Timotheus, convocato exercitu
peregrinæ multitudinis, & con-
gregato equitatu Asiano in eos
confluxisset; non alijs contra
eum armis, quàm oratione & pœ-
nitentiâ sese tuerentur. *Nam caput
terrâ aspergentes lumbosq; cilicijs præ-
cincti, ad Altaris crepidinem provo-
luti, deprecabantur DEUM.* Qui
tantiâ eos idcirco benignitate est
prosecutus: ut militum locò sub-
miserit Angelos; quibus hostium
ruperunt phalanges ac quingen-
tos supra viginti quinque virorum
millia, sexcentosque equites inter-
fecerunt. Et quanquam Timot-
heus in munitum præsidium pro-
fugus,

fugus, à persequentibus abundè sibi tutus videretur; obseſſo tamen, expugnatóque præſidio, in latebris deprehensũ trucidârũt.

Plura facilè adduci exempla possent, quibus manifestè exhibetur, tanto semper populo illi emolumento pœnitentiam fuisse, ut hâc unâ rebus afflictis mederentur; atque hoc uno medio in pristinum statũ reducerentur. Quod quidem tam sæpe, támque indubitatè accidit; ut ipsos quoq; æmulos hostésque rapuerit in admirationem. Hinc Achior Ammonita, Judit; 5. v. 19. magno animo sic fertur allocutus Holofernem :
Quotiescunq; pœnituerunt se recessisse à cultura DEI sui, dedit eis DEUS cœli virtutem resistendi, deniq; Chanaanum Regem, & Jebusaum, &
Phe.

Pherezaum, & Hetaum, & Amorrhaum, & omnes potentes in Hesebon prostraverunt, & terras eorum, & Civitates eorum ipsi possederunt, & usq; dum non precarent in conspectu DEI sui, erant cum illis bona, DEUS enim illorum odit iniquitatem. Sed illud majori sanè admiratione dignum videtur, quod Achabo 3. Reg. 21. 29. legimus accidisse. Qui, licèt intellectâ ex Elia domui suæ superventurâ ob immane scelus calamitate, sceleris turpitudine, veròque dolore non commoveretur; quia tamen, ut inquit Scriptura, scidit vestimenta, & operuit cilicio carnem suam, jejunavitq;, & dormivit in sacco, & ambulavit demisso capite, istud hâc pœnitendi ratione effecit, ut Dominus diceret ad Eliam: Non vidisti humiliatum

liatum Achab coram me ? quia igitur humiliatus est mei causâ, non inducam malum indiebus ejus.

Si tantum humiliatio Idololatæ profuit ; quid Christiani & Catholici verâ pœnitentiâ non consequemur ? Hæc profectò, si sit sincera, tam efficax est , ut par sit toti regno ad pristinas fortunas reducendo.

Temporibus Manassis Regis Regnum Juda tam erat depravatum, ut non esset ulla ex Chanaanæis Natio tam perversa : adeò ut & ipsa Scriptura testetur peiores tum fuisse Judæos , quàm omnes alias, quotquot ipsi viderant gentes , à DEO propter peccata castigatas & everfas. Quare permittente DEO in pœnam iniquitatis eorum, invasit expoliavitque

Re.

Regnum illud Rex Assyriorum, tanta cum potentia, ut capto Rege Manasse, multorum criminum & ipso Autore, compedibus catenisque vinctum in captivitatem relegaret. At ubi in vinculis, peccatorum vincula amarissimis fletibus deploraret, illud misere Deo obtinuit, ut in libertatem assertus, regno pacem pariter restituerit, & tranquillitatem.

§. XI.

*Magnas per pœnitentiam
Victorias à Christianis
fuisse reportatas.*

UT populi quoque Christiani, cum quo Deus eandem agendi methodum observavit, exempla adducamus; Tempore Heraclij
Impe-

Imperatoris Imperium orientale, ut refert Baronius ad Annum 611. majori quàm unquã aliàs intemperie vexabatur. Plurimæ gentes excusso jugo insultabant, à Persis Ægyptus, omnisque prorsus Africa occupabatur, Non reperiēbat malo remedium Heraclius, nisi in poenitentia, morumq; ad normam reductione. Quare pullâ indutus veste, templum ingressus, humique prostratus Divinam Misericordiam pro Imperij sui incolumitate ferventissimè imploravit. Admonitus est ergo à DEO, ut sese ad Justitiæ leges omnino conformaret; milites præter castra Pietatem quoq; sectarentur, atq; ad advertendam furoris sui vindictã communitotius populi concursu supplicationes instituerentur. Quibus

bus omnibus ritè peractis plus animis quàm armis instructus, non Imperium modò suum, & maximum Redemptionis nostræ pignº, Domini Crucem, recuperavit; sed Rege Persiæ ternâ clade gloriòse profligato, Regnum quoque ejus in suam potestatem redegit. Non alia, præter præces, lacrymas, & jejunia, arma expeditit contra perduellem Eugenium Theodosius Imperator. Quibus medijs prodigiòse sanè de Tyranno triumphavit, quando & ipsa pro eo elementa militârunt, quemadmodum vel ipsi Gentiles cum horrore stupuerunt; Unde Claudianus.

*O nimium dilecte DEO, cui militat aether,
Et conjurati veniunt ad classica venti.*

Modum autem, quo generosus hic Princeps ad bellum sese com-

comparavit , describit , qui illo
tempore floruit Ruffinus lib. 11.
hist. Ecc. c. 35. preparabatur ad bel-
lum, non tam armorum telorumque
quàm jejuniorum; orationumque sub-
sidijs; nec tam excubiarum vigilijs
quàm obsecrationum pernoctatione
munitus; circuibat cum Sacerdotibus
& populo omnia orationum loca; ante
Martyrum, & Apostolorum thecas
jacebat cilicio prostratus, & auxilia
sibi fidâ Sanctorum intercessione po-
scebat. Neque alijs tum armis
usus est, cum Maximum Tyran-
num ingenti strage profligavit.
Utraque quippe occasione, tum
insigni reformandorum in Impe-
rio morû studio, tum idololatriæ
Hæreseosque subversione, DEUM
victoriarum arbitrum, sibi devin-
cire est conatus. Posteaquam
ob Christianorum delicta Baldui-

nus Hierosolymæ Rex in potestatem Turcarum devenisset, miserabilis erat, & penè desperatus status Christianorum. Ergò indicto, Ninivitarum more, lactentibus quoque, & brutis animantibus jejunio, ad pœnitentiam, ultimum salutis refugium confugerunt. His armis ter mille Christianorū, quadraginta Turcarum milia aggressi, ingenti multorum milliū editā strage, ipsi sani & incolumes, felicissimā victoriā sunt potiti.

Hanc Pœnitentiæ, & Jejuniij efficaciam probè intellexit Gregorius octavus, qui dum Hierosolymæ à Saladino occupatæ jacturā Christianitatē vehementer afflictā videret; & metueret, nè Barbari illi⁹ insolentia ulterius progrederetur; per totam Christianitatē pœnitentiam & jejuniū generale instituit, ut nimirum

mirum

mirum intra quinquennij unius decursum, certis quot hebdomadis diebus jejunaretur, & à carnibus abstineretur; & quamvis non multò pòst ipse Pontifex è vita decederet, ejus tamen Pietas, & pœnitentia, effectù non caruit: sed stupendas Friderico Imperatori Victorias peperit, ille enim institutâ in terram sanctam expeditione, Turcas aliòsque Infideles sæpius profligavit, ab ipsis Cæli incolis adjutus: Sexcentorum vix equitum numerò quadringentorum millium exercitum dissipavit Baron. 1290.

Perduellia contra Imperatorem Isaciū Angelum arma movit Brana: ut refert Nicet. in Isac. Ang. existimavit Isacius meliora vincendo Tyranno arma non fore, quàm spiri-

spiritualia; quamobrem palatium suum, non armatis, sed pœnitentibus implevit. Convocavit Monachos, qui vitæ rigori Orationem adjungerent, & institutâ supplicatione, ipse nudis pedibus in ipsum palatium procedens, ad pœnitentiam omnes, & orationem commovit; nec reliqua curæ habuit, donec à Conrado Cæsare monitus, exercitum, nec illum adeò validū, in Branam duxit, qui victus fuit, & trucidatus; Isacius verò devotionis suæ merito, obtentâ victoriâ gloriosus.

Nolo præterire silentio illud, quod evenit S. Bohemiæ Regi Wenceslao. Nam cū ejus Provinciam Radislaus, Princeps valde potens, valido exercitu cum magnarum rerum jactura inundaret; ob-

G

viam

viam eidem progreditur Wenceslaus; sed ut prælium, & secuturam ex eo plurimorum hominum stragem evitaret; in DEUM confidens, in duellum eâ conditione provocat Radislaum, ut hoc certamine legitimus Rex decideretur. Acceptat, spretoque æmulo, in loco pugnae destinato, armis bellè munitus comparet Radislaus: contra Wenceslaus solito eoque perexiguuo gladiolo succinctus, sed, cili- cio, loricæ locô, indutus. Dùmqu; sese sub initium pugnae Crucis signo obarmaret; ecce Victori- am! Radislaus ad Wenceslai pedes repentinò sese prosternere, temerariæ audaciæ veniam implorare, palamque facere, plus armis pœnitentiæ Wenceslaum, quam ane- neâ sese loricâ, valuisse. Dubrav. i. 4. Hist. Boëm. Ma-

Magno præterea fortunarum emolumento ejusmodi pœnitentiæ diversis fuere. Quales sunt: Theodosius Imperator, Henricus II. Rex Angliæ, & Godefredus Dux Lotharingiæ, qui palàm ab alijs virgis cædi exoptavit, multoque humillimis officijs sese impendit, ut apud Baronium ad Annum 390. 1172. 1847. recensetur. Unde factum: ut Theodosius comite felicitate atq; gloriâ, rebus prosperis ubique frueretur; Henricus insignem de hostibus suis victoriam reportaret; Godefredus verò majori Italiæ parte sibi subjugatâ, amplissimo dominio potiretur. Non est res tantæ admirationis, tot tantosque Principes unâ cum subjectis sibi terris ad pœnitentiæ arma confugisse, ut vel Imperium

suum defenderent, vel firmarent, cum etiam idipsum à Rege Assyriorum latâ à DEO contra Ninivitas everfionis sententiâ videamus usurpatum. Namque ubi perspectum, compertumque haberet, quantopere Regni sui delictis Divina vindicta provocaretur; ipse relicto solio, abjectâ purpurâ, saccum indutus, sparsoque humi cinere delicta sua magnis gemitibus deploravit, & ut exemplum suum subditi, assumtis jejunijs, mutatâque vitæ ratione sequerentur, imperavit. Quâ quidem poenitendi methodo id effecerunt, ut & urbem, & regnum ab hostium insultibus tutum liberumque conservarent. Dicit enim Scriptura: *Vidit DEUS opera eorum, quia conversi*

versi sunt de via sua mala, & misertus est.

Quod si ergo ad pœnitentiæ opera convertamur; habemus certè, quod infinitam DEI misericordiam expectemus. Necessitatur quippe quodammodo D E U S ad miserendum, ubi assumitur expiatio delictorum. Est sanè, quod pudore suffundamur, Regem gregemque gentilem ad solam hominis ignoti adhortationem tot tantæque pœnitentiæ opera assumpsisse; nos verò, qui tot vocibus admoniti, quot malis oppressi, tam multiplicem Divinæ Justitiæ vindictam experimur; procul exulante morum delictorumque emendatione, iustos nos tamen esse existimemus. Nescio, pudorémne dicam, an impudentiam? quòd

pœnitentiæ locò delicias identidem sectemur, nullúmque lasciviendi, peccandique modum unquam statuamus.

Non est hæc sanè res nostras in melius restituendi ratio, sed majora semper mala accersendi. Ut fortunis nostris consulamus, lascivijs renunciemus, vitia extirpemus, morésque reformemus, est necesse. Sed & illud maximopere curandum, ut Magistratus ad leges æquitatis sese unicè conforment; Ministri purâ sincerâque intentione munijs suis perfungantur; utrique bonum publicum, non verò privatum, procurent. Prælati Episcopatib⁹ suis assistant, Nobiles, personæ familiæque suæ decorem illustrent; plebeij obligationis suæ partes adimpleant;

omnes

omnes in unam promovendam
DEI gloriam incumbant. Ad
quod impetrandum sanè non abs-
re fuerit ; si Primores quique bo-
ni exempli facem præferant, illud-
que imprimis accurent, ut & com-
missa delicta ritè expientur, & im-
posterum committendis occasio
amputetur. Neque enim à Prin-
cipe alienum videri debet, bonum
commune exemplo pariter suo, ac
mandato procurare. Extat in
Concilio quinto Toletano de hoc
Decretum Cintillæ Regis Hispa-
niæ, quod hâc, Principe Christiano
dignâ, sententiâ orditur : *Cùm boni
Principis cura omni nitatur vigilan-
tiâ providere Patriæ, gentisq; sue
commodo ; tunc potissimum non exi-
stit infructuosa, si etiam suâ indu-
striâ placatur Divina Clementia.* Sub-

jungit deinde: *Ab omni anima Christiana Cælorum Domino humilitatis satisfactio dependatur, & pro facinoribus, atq; flagitijs, quibus quotidie grassante Diabola irretimur, lacrymis, jejunijsq; digna obsequia rependamus.*

§. XII.

Rebus Regni afflictis, publicam per veram pœnitentiam coram DEO humiliationem, non esse fortitudinis, aut Magnanimitatis defectum reputandum.

A Nimadvertendum hîc omnino est, publicam in calamitatibus publicis pœnitentiam, neque fortitudinis, aut magnanimitatis defectum, neque aliquod apud inimicos æstimationis nostræ

stræ dispendium censerī debere. Fecerunt id ipsum prudentissimi Provinciarum Præsides, Viri fortissimi, & Principes omni exceptione majores. Eorum è numero in medium adduco Davidem, cujus Viri vita & Regimen mera victoria posset nuncupari. Non pudit tamen hunc tantum Principem publica pœnitentiæ edere specimina, & cum militibus suis, nudis etiam pedibus triviam perambulare; quos inter quidem tam magnanimos Duces numerabat, quibus vel ipse Alexander Magnus invidisset. Prodigiosum sanè est, quod de militiæ Davidicæ robore. I. Paralip: 11. recenset Scriptura. Et, ut heroica ipsius Davidis facinora, qui Leones discerpserit; & invictum Joabi ejusdem Militiæ Præ-

fecti animum, qui inexpugnabile munimentum Jebu primus conscendit, prætereamus; illud sanè omni admiratione dignissimum est, quod de Jesbaan prodigiosa audaciæ Heroë recensetur. Hic enim cum aliquando cum octingentis omnino Viris manus confereret; unicus ille uno solùm impetu omnes interfecit. Sed & aliâ vice simile prodigium legitur iterâsse, cum unicus ille trecentos aggressus, omnes unâ internecione delevit. Simile huic postremo heroicum facinus Abisai quoque scribitur æmulatus. Bariajas binos robustissimos Leones aggressus, utrumque prostravit; subinde in cisternam descendit, & rursus vastissimum Leonem examinavit. Idem ille Virum Ægypti-

pti-

ptium, par Goliatho monstrū ag-
gredi ausus, hastam è manu vio-
lentè extorsit, eaque carneam il-
lam machinam felicissimè confe-
cit. Semma quoque 2. Reg. 23.
cū omnis populus à facie Philis-
tiim in fugam verteretur : agrum
lente plenum contra exercitum
Philistijm unicus ille tuebatur. Et
nè longiùs nimium in fortitudine
militum David recensenda videar
excurrisse ; unicum illud trium ju-
venum fortium facinus adduxisse
sufficiat, qui nequidquam resisten-
te Philistæorum exercitu, in castra
eorum animosè irruerunt, &
hastam de cisterna Bethlehem a-
quam Regi suo attulerunt.

Tantis militia Davidis Hero-
ibus abundabat, neque tamen im-
becillis indicium animi esse autu-

nabant, si coram Divina Majestate, in cujus manu fortes eorum fortitudoque sita esset, delictorum suorum veniam, palàm implorarent.

Neq; Machabæis ejusmodi Heroës defuère. Ipse Judas Machabæ⁹ animo invictissimo præpollebat. Non dubitabant tamen palàm assumtis corporis animique afflictationibus Divinæ potentix favores mercari, non quòd hostes suos, sed vindicem delicta ulciscientis DEI dexteram formidarent. Illud quoque, quòd hâc agendi ratione hostibus ludibrio esse possent, nihil pensi habuerunt. Quemadmodum enim usuvenire solet, ut simulato nonnunquam per stragemâ recessu, ridente interim, fugamque interpretante hoste, secuturis

turis victorijs præludatur ; ità non dubitabant, ad hostium usq; ludibrium salutaria pœnitentiæ opera frequentare, modò placato Exercituum Domino, manifestam, certamque Victoriarum spem in manibus haberent.

§. XIII.

Magnam moribus ad normam revocandis diligentiam impendendam esse.

PLena non minùs sacrorum, quàm profanorum exemplorum est vetustas, plùs rebus afflictis pœnitentiam, quàm media quantalibet profuisse. Hâc unâ majores, quàm viribus quantiscunque, victoriæ sunt reportatæ. Quapropter ut & malis nostris

consulamur, pœnitentiam agamus, est necesse. Verùm enim verò monitos omnes velim, id quod Joannes Climacus grad. 3. adnotavit: *Humilitate*, inquit ille, *non laborũ magnitudine, DEUS pœnitentiam metitur, & judicat.* Nolo equidem omnes adstrictos ad saccum, cilicia, jejunia, & flagella: Neque enim hic omnibus est conveniens pœnitendi modus, quamvis ij, qui sese plus ceteris deliquisse meminerunt, quorũque muneris ratio majorem pro publico bono charitatem exigit, plura ejusmodi pœnitentiæ munia obire deberent. Et sanè ambiguus non sum, Religiosos imprimis plurimam hac in parte placando Numini sedulitatem impensuros. Id unicum, quòd præcisè necessari-
um

um est, si persvasero, in lucro reponam; ut nimirum iusta esse Dei flagella agnoscamus; atque ad morum emendationem media, quæ nec rigida, nec ardua sunt, omni studio procuremus. Neque enim major ad ea inquirenda conatus, quàm qui temporalibus curis impenditur, requiritur. Id unicè curandum, ut in promovendū bonum publicum personæ publicæ pariter ac privatæ adlaborent.

Rarum rei hujus exemplum Reges Josaphat & Ezechias præbuerunt. Nam, ut regna sua ab impendentibus malis præservarent; pœnitentiam, non generaliduntaxat jejunij, aut alterius cuiuspiam assumendæ afflictationis decreto, sed singulari ad reformatos mores instructâ commisso-

sione , instituendam censuere. Quare per omnes Provincias , & Urbes emissis Legatis id unicè accurârunt, ut indictâ delictorum emendatione jussu sua quàm exactissimè explerentur. Quemadmodum enim Principibus nova tributa & dona poscentibus, non convenit istiusmodi negotium minorum gentium Ministris commendare, sed primores quosque delegare, quibus id curæ incumbat, nè jussu legesque latæ defraudentur : ità quoque, multòq; magis advertendum, ut nè lata pro delictorum correctione, populiq; reformatione præcepta fine suo frustrentur.

Nolim dubitare, quin ejusmodi morum reformandorum ratio magno foret Hispaniæ emolumentum.

mento. Et sanè, non abs re esset, generalem nonnunquam Regni visitationem fieri, per tales personas; per quas de universali eidem Antidoto prospiceretur.

Rex Josaphat hunc in finem Principes, præcipuosque Regni sui Proceres delegit, quibus Sacerdotes, & Levitas sociavit, ut cunctas Urbes circuirent, populúmque in lege Divina erudirent. quâ quidem tum insigni Ministrorum qualitate, tum egregiâ imprimis Levitarum Sanctitate id affecit, ut 2. Paralip. c. 17. vers. 9. dicat sacer textus : *Itaq, factus est, pavor Domini super omnia regna terrarum, quæ erant per gyrum Juda, nec audebant bellare cum Josaphat; sed & Philistæi Josaphat munera deferebant, & vectigal argenti, Arabes quoq, adducebant*

cebant pecora Arietum septem millia septingentos, & hircos totidem. Crescebat itaque tantâ gloriâ & magnificentiâ Josaphat, ut ad summum felicitatis fastigium pervenisse videretur.

Hispaniæ non remedio solum sed ingenti gloriæ foret, si hunc contra offensas DEI zelum in accurato illo Rege imitaretur; quo quidem à Divina Majestate illud merebatur, ut & ipse à nemine offenderetur.

Singularis ille casus est, qui in conjuratione trium regnorû, quorum jam meminimus, accidit. Namque de inito contra se fædere admonitus Rex, confestim ad Pœnitentiæ remedium decurrit; & publicato per totum Regnum universali jejunio, morum modestiam,

stiam, orationisque fervorem impensè commendavit. Deinde acciem instruxit, præcepitque ut singulæ phalanges hymnos laudésq; DEO, præsertim verò hæc Psalmistæ verba : *Confitemini Domino, quoniam in æternum misericordia ejus.* Psal. 31. decantarent. Neque id aliud fuit, quàm victorias canere, atque hostiles copias profligare. Istæ enim furibundæ contra semet ipsas conversæ, mutuis sese vulneribus miserandùm trucidârunt. Et quod mirum magis videri debet, nullo è militibus Josaphat, vel manum movente, nè dicam, miserâ ab hostibus illatâ nece, occumbente. Neque enim DEUS, illos, vel unico pilo lædi voluit, quòd assumptis pœnitentiæ operibus Divinam ejus misericordiam implo-

implorâssent. Atque hoc exemplo in spem nos erigi oporteret, nos paribus Victorijs potituros, ubi pari ratione Divinam Majestatem placaverimus. Et temporale, & æternum bonum, vitæ emendatione procuratur. Et huic quidem tantundem curæ, quantum negotio cuique temporali, sufficiat impendisse; sit nobis curæ DEI honor, & nos illi curæ erimus. Quod si, quantires isthæc momenti sit, accuratè perpenderimus, non supervacaneum profectò in emendando, populo, horum aliorumve Principum conatum arbitrabimur qui hoc ipso, se fore bellorum securos autumabant, quòd horum incentiva, scelera, jugularent.

Magnam quoque, neque tamen summam in hoc Ezechix
Regis

Regis curam legimus extitisse. Hic ubi ingentes calamitates populi sui sceleribus inductas Regno comperisset: convocato Concilio de remedijs culparum pariter ac poenarum sollicitè disceptavit. Latâ itaque sententiâ, suo, Regni totius, Procerumque suorum nomine Cursores cum epistolis in univ-
sum Israël & Juda expedivit, ad-
junctis compluribus eorum, qui de civitate in civitatem progressi, populos ad poenitentiam seriâmq; peccatorum emendationem hortarentur. Quâ quidem non majori, quàm rebus alijs impensâ curâ, illud effecit, ut & desideratam in Israël, & Juda, correctionem impetraret, regnûmque ad pristinas fortunas, divitias, gloriam
&

& splendorem revocaret. 2. Paralip: 34.

Plus præstitit Sacerdos Elia-
cin Gubernator Judææ. Qui ali-
orum ad id impensâ operâ non
contentus, circumiens ipse totum
Israëlem ad implorandam delicto-
rum veniam, procurandâque ab
hostibus immunitatem, omnes
ferventissimè hortabatur. Quâ
ratione populum ad pœnitentiæ
exercitia in tantum commovit, ut
placato omnino DEO, Regnum
universum secundissimis rerum
successibus frueretur.

Id ipsum Samûel Dux & Ju-
dex in Israël in intentione habebat:
Qui comitijs institutis id unum e-
git, ut populum non solum ad pro-
bitatem, rectâque vivendi rati-
onem revocaret, sed & ipse Justi-
tix

tiaē leges ad amissim adimpleret; quod & finito nondum Concilio abundē præstitit, omnesque eos, qui sese gravatos jure querebantur, iniquis oneribus exemit. 1. Reg. 7.

Rex quoque Josias universos majores natu Juda & Jerusalem convocavit, tum ut regnum à morum corruptelâ reduceret; tum ut Principes ac Proceres Judææ ad servandam legem DEI, jurejurando obligaret. Hoc indē secuto effectu: ut, teste Scripturâ, cunctis diebus ejus non recesserint à Domino Pactum suorum. 2. Paral. 34. n. 29.

Tantam ij Principes in extirpando vitia, curam meritò collocârunt, ut nè alienæ culpæ poenam in se quoque derivarent. Prospicien-

cientes procul dubio, id, quod ex Petro Damiano superius jam adnotavimus : *Cavendum est, nè malitia subditorum, redundet in Regem, etsi non delinquentem, tamen pro viribus non prohibentem.* Majorem vim adhibeat, oportet, Princeps in subditorum vitijs extirpandis, quàm in hostibus sibi subjugandis; illis subditi vel in pace occumbent; his, quantumvis victoriosis, sese opponent. At ubi crescentibus delictis nostris, non crescerent vires inimicorum, ubi inquam sceleribus nostris arma ipsorum non acuerentur; victoriarum palmas, profectò nos ipsi armis nostris meteremus.


Non esto sibi met, nec Regi suo tam grave Regnum, ut, dum peccata radicitus non extirpat, quan-

quantumvis dandis ritè tributis non parcat; Victoriarum tamen semina suffocet, suâque imperio membra avellat. Quin potiùs singuli, pro rerum suarum incremento, Principis sui, regnîque totius emolumento, in unam reducendorum morum rationem vires omnes, nervosque intendat. Audiant, quod magnus Doctor, & Hispaniæ protector S. Isidorus unumquemque monitum cupit. Scito, nullum tibi adversari potuisse, nisi DEUS potestatem dedisset; nec habuisset in te potestatem adversarius, nisi permitteret DEUS; universa quæ tibi accidunt, absq; DEI non veniunt voluntate. Iniquorum potestas super te, ex DEI datur licentia; omnes qui tibi adversantur, DEI consilio faciunt; manus DEI te ad pœnam tradi-

H

dit,

dit, indignatio DEI te affligere jussit
 ipse iratus jussit te omnia experiri.
 Heu quamdiu, quousq, errabis? quem
 ad finem te effrenata trahit luxuria?
 jam tandem peccare quiesce, jam tan-
 dem desine à scelere, aliquando mores
 malos commuta in melius. Cur in pec-
 cati sordibus manes? cur in volunta-
 te peccandi persistis? noli diu errare
 miser, de malo immutare in melius,
 pone peccatorum finem, pone legem
 nequitiae, habeat culpa modum, ha-
 beat iniquitas terminum. Delictor-
 um tuorum considera magnitudi-
 nem, culpas tuas, saltem verberatus,
 agnoscito. Lib. I. Synod.



§. XIV.

*Stante morum corruptelâ
nihil Orationes, aliâque Re-
ligionis opera conferre.*

HOc à pœnitentia, morum-
que correctione, petitum
remedium tam efficax est, ut ali-
ud nullum, quantumcunque bo-
num & sanctum huic concertet.
Id quod hîc, tanquam rem sum-
mi momenti, monendum judica-
vi. Frustra Divinæ Justitiæ gladi-
um per orationes, supplicationes,
aliâque hujuscemodi solennita-
tes à cervicibus nostris amolimur,
nisi peccatis finem imponamus.
Ipse S. Scripturæ textus repetitis
vicibus inculcat : non placari DE-
um solennitatibus, sacrificijs, &
precibus inimicorum suorum Jobi

c. 27. 8. clarè dicitur: *quæ est spes hypocritæ, si avarè rapiat, & non liberet DEUS animam ejus. Nunquid DEUS audiet clamorem ejus, cùm venerit super eum angustia, aut poterit in omnipotente delectari, & invocare DEUM omni tempore ? Et per Prophetam Isaiam dicit Dominus: Cùm extenderitis manus vestras, avertam oculos meos à vobis, & cùm multiplicaveritis orationem, non exaudiam ; manus enim vestrae sanguine plene sunt. Et sapiens inquit Prov. 28. 9. Qui declinat aures suas, nè audiat legem, oratio ejus erit execrabilis. Et David quoque de peccatore loquens psal. 108. Oratio ejus, ait, fiat in peccatum. Quæ verba non pro maledictione, sed Prophetia accipienda sunt. Per Jeremiam minatur DEUS populo suo*

suò c. 2. v. 27. his verbis. *Et in tempore afflictionis sue dicent: surge & libera nos; ubi sunt Dii tui, quos fecisti tibi? surgant, & liberent te in tempore afflictionis.* S. quoque Joannes in epistola sua Canonica I. c. 3. v. 21. ità ait: *Charissimi si cor nostrum non reprehenderit nos, fiduciam habemus ad DEUM, & quidquid petierimus, accipiemus ab eo, quoniam mandata ejus custodimus, & ea, quæ sunt placita coram eo, facimus.*

Cui simile canit Psalmista. ps. 65. 18. *Iniquitatem si aspexi in corde meo, non exaudiet Dominus. Propterea exaudivit DEUS, & attendit voci deprecationis meæ.* Et quod magis est, non sufficiet, quòd preces suas fundant pro regno multæ Personæ sanctæ, si illud à multis peccatis suis sese non emendet.

H 3

Pro-

Prophetæ enim Jeremiæ Viro tã
 Sancto DEUS mandavit, nè pro
 regno Juda oraret, inquiens c. 7.
 n. 16. *Tu ergo noli orare pro populo
 hoc, nec assumes pro eis laudem & o-
 rationem, & non obsistas mihi, quia
 non exaudiam te.* Quod accidit in
 orationibus eorum, qui emenda-
 tionem non curant, idem evenit
 etiam in alijs pijs operibus. Per
 Prophetam Amos dicit DEUS c. 5.
 21. *odi & projecì festivitates ve-
 stras, & non capiam odorem catuum
 vestrorum; quod si obtuleritis mihi
 holocaustomata, & munera vestra,
 non suscipiam, & vota pingvium ve-
 strorum non respiciam.* Et per Isai-
 am c. 1. v. 13. *Non offeretis ultra
 sacrificium frustra, incensum abomi-
 natio est mihi Neomeniam & Sab-
 batum, & festivitates alias non fe-
 ram;*

ram; iniqui sunt catus vëstri, calendas vestras, & solennitates vestras odivit anima mea, facta sunt mihi molesta, laboravi sustinens. Rursus per Jeremiam c. 6/n. 20. Ut quid mihi thus de Saba offertis, & calamus suaveolentem de terra longinqua, holocausta mata vestra non sunt accepta, & victima vestra non placuerunt mihi; propter hoc dicit Dominus, ecce ego dabo in populum istum ruinas, & ruent in eis patres, & filij simul, vicinus & proximus peribunt. Insuper per Malachiam c. 2. 13. Operiebatis lacrymis altare Domini fletu & mugitu, ita, ut non respiciam ultra ad sacrificium, nec accipiam placabile quid de manu vestra. Omnia hæc DEUS minatur propter peccata, quorum præsentia opera ceteroquin sancta & fecunda omni-

no sterileſcunt. Cujus quidem ſterilitatis duplex eſt cauſa : altera quòd à ſceleſtis, non eâ , quâ par eſt, ratione exerccantur ; altera, quòd ipſi ob delicta, quæ emendare negligunt, Divinæ Miſericordiæ oculis indigni reddantur. Hoc eò non dico, ut òpera ejusmodi prorfus omittantur, cùm & illa nonnunquam **D E U S** remuneretur ; verùm, nè malis noſtris finem allatura exiſtimemus, niſi peccatis quoque finem faciamus. Quod, ubi egerimus, nolim dubitemus, aperta nos Divinæ Miſericordiæ viſcera certò certiùs reperturos. Atque hoc ipſum per Prophetam Dominus prædicari imperavit. Poſtquam enim Iſaias Judaici populi ſacrificia propter magnam ejus iniquitatem reprobâſſet, docuiſet-

issétque, idcirco neque eorum preces exaudiri, ità eos ad pœnitentiam DEI nomine est adhortatus : *Lavamini, mundi estote, auferte malum cogitationum vestrarum ab oculis meis, quiescite agere perversè discite benefacere, querite judicium, subvenite oppresso, judicate pupillo, defendite viduam, & venite, & arguite me dicit Dominus.* Quasi diceret Venite, postquam egeritis pœnitentiam, à fæditate delictorum vestrorum emundati ; venite, & exprobrate mihi, si vos non exaudiero, si non auxiliatus vobis fuero, si rebus prosperis non cumulaverò, si mirabilia per vos non fuero operatus. Atque ideo concludit n. 19. *Si volueritis, & audiveritis me, bona terra comedetis.* Id est : dabo vobis illa bona, & grandem il-

H 5

lam,

lam, cujus capax est terra, felicitatem.

Id ipsum & nobis DEUS pollicetur. Eja ergo consilio ejus auscultemus, & tollendo vitia, nobis infinitam ejus misericordiam conciliemus. Erit illa sanè obstricta, ut, ubi delictorum veniam consecuti fuerimus, summâ pariter, vitam fortunâsque nostras temporales, felicitate coronet.

Circaremedium contra publicas calamitates suggestum, Animadversio.

MAjori, quàm dici possit, inductus ratione, superioribus Mensibus, nec importuno, ut arbitror, tempore, Tractatum edidi de causa & remedio calamitatum

tatum publicarum, illudque egi, ut ostenderem; omnia isthæc mala, quibus hæc Monarchia mirum in modum premebatur, Reipublicæ delictis tribui oportere. Quæ quidem ponderatâ calamitatum suarum magnitudine, illud argue-re facilè poterat, si non paribus, non multò tamen inferioribus sese malis fuisse afflictam, quàm olim vexatum fuerit Regnum Juda; de quo Propheta ait: quòd à planta pedis, usque ad verticem non fuerit in eo sanitas. Omnia ista, brachium Ecclesiasticum pariter ac seculare; planta populi, caput Nobilitatis & Magistratûs, ita fortassis vulnerata sunt, ut curatione indigere videantur. Nonnulla membra, alia contagiô inficiant, & cuncta damnum propagabunt. Quã-

vis non dubitem complures mirificè probos, & in omnigenæ virtutis perfectione bellè exultos reperiri; quorum intuitu DEUM propitium nobis fore speremus, nihilominus tamen nunc Monarchiam istam DEUS, non quidem ad instar rigidi Judicis, qui cupiat depressam; sed more benigni Patris, eo fine castigat, ut delicta sua agnoscat, & emendet; atque hoc ipso ad majorem, quàm unquam hactenus celsitudinem pertingat.

Imitatus in hoc sum exemplū Jeremiæ Prophetæ; qui Regnum Juda partim præsentibus calamitatibus oppressum, partim imminentibus vexandum animadvertens, librum contexuit, ut hoc, populo disperso, Divinæ Justitiæ vindi-

vindictam, secururâ vitæ depurata correctione, mitigaret.

Cùm verò continuante delictorum nostrorum malitiâ Divina Justitia etiamnum tam clementer in nos animadverterit, ut majorum poenarum reos, exiguo solummodo rerum nostrarum successu castigârit; quemadmodum nemo ullus nostrum est, qui id manifestè non agnoscat; quia tamen potissimus quoque eorum est numerus, qui in hac sterili agnitione solummodo perseverent, neque ad seriam vitæ emendationem, ac imprimis debitam pro delictis satisfactionem, manum admove-re intendant; quam quidem injurijs sibi illatis comparem Deus eo fine requirit, ut indignationem ejus in Misericordiâ, atque Be-

nignitatem comutari mereamur, idcirco Boni publici desiderio, Regnique amore commotus, non abs re fore judicavi, si, quam DE-
us in publica Monarchiarum casti-
gatione, methodum observare
consuevit, exhibendam, atque ob
oculos ponendam assumerem;
præsertim, cum formidabilem e-
jus Justitiæ virgam, etiamnum e-
rectam & minitantem videam; ac
proinde necessarium omnino ju-
dicem, eandem avertere; rebus
nostris eò perductis, quò, uti sine
singulari DEI providentia pertin-
gere nequiverunt, ita neque sine
peculiari ejusdem favore poterunt
revocari. Nam quemadmodum
hæc potentissima Monarchia nul-
lâ vi, aut medio humano tanto
tempore labefactari potuit, ita ne-
que

que viribus humanis poterit restaurari. Et sanè, nihil tanti ad res nostras reparandas interest, ac placare Numen Divinum. Videtur mihi, & videbitur (ut opinor) omnibus, Hispania haud minori periculo obnoxia esse, ac olim fuerit Judæa sub exordium prædicationis & Prophetiæ Jeremiæ, quem Deus rarâ dignatus est visione. Intuebatur nimirum virgam in cœlo ad ingentem ictum destinatam, quâ indicabatur, Divinam Nemesis nequedum furorem suum posuisse. Ejusmodi virgam in cœlo conspicuam spectavimus anno seculi hujus 18. quam à sua immensitate, Trabem Mathematici nuncupârunt. Videtur illa nondum à suis ictibus quievisse, sed extremum nobis sumēque horribilem mi-

minitari. Exhibebatur superior illa virga Jeremiæ, eo fine, ut populum Divini Decreti admoneret; nempe: ab ultore DEO Regnum illud omnino evertendum, nisi finem faciat delictis. Fecit id ipsū Prophetæ, atque sententiæ Divinæ relaxationem, modò resipisceret, DEI nomine, Populo illi sæpe sæpius prædicavit. Quia tamen ad frugem sese reducere neglexit, simul sententiæ suæ rigori Dominus institit, Regnum universum pessumdedit, atque miserandæ servituti & captivitati subjecit. Jam, quis non metuat, serenissimam isthanc Monarchiam quoque eversum iri, si, prout cœperunt, res nostræ procedant, atque perinde poenæ, ac peccata, cumulentur.

Est

Est sanè, quod rem isthanc accuratè ponderemus, & quia inficiari nemo potest, delicta nostra sive publica & manifesta; sive privata & occulta, vel, quod certius est, & hæc & illa, calamitatū publicarum causas esse, neque remedij spem aliunde, quàm à misere-
rentis DEI dextera affulgere; nescio profectò, cur ad implorandam ejus opem junctis viribus non recurramus, neq; ad debitam pro delictis satisfactionem toto nos corde convertamus. Et verò: illud affirmare ausim: Res certè nostras minori nobis curæ esse, quàm suæ olim fuerint Judæis. Hi enim delictis suis insistebant, quòd vanis Psevdo-Prophetarum fallacijs delusi, sese humanis medijs imperiū in flore conservaturos opinarentur;

tur; nos verò, tametsi ejusmodi Prophetas non audiamus; sed à solo cœlo remedium petendum intelligamus, ab iniquitatibus tamen nostris, id quod longè turpius est, haudquaquam nos expeditus. Quam ob rem cavendum habemus, nè, quemadmodū majorem expectatione suā pœnam in Monarchiæ suæ everfione experta est Judæa, ità ea quoq; mala verticibus nostris incumbant; quæ metuere prudenter possimus. Ac imprimis quidem videntur ij, quorum humeris Monarchiæ moles nititur, non mediocriter obstricti esse, ut singulari, & plusquàm vulgari curâ id unum sibi procurandū assumant, ut Deus placetur, delictaque radicitus extirpentur. Accedit, se pro muneris sui ratione ad id

id ipsum ex charitate quoque obligari; securique esse possunt, nihil aliud à DEO expectari. Id si egerint; non est, quod ambigant, DEUM quoque malis nostri, subveni-
tutum, tametsi vanum & inane omne remedium humanum videretur.

Atque hæc est norma, quâ DEUS in castigandis propter peccata Regnis, uti consuevit. Multo tempore expectat, & immissâ, super calamitatem, calamitate, ad meliorem vitæ frugem identidem nititur revocare. Neque hâc plectendiratione Regna eversa cupit, sed correctâ. Duplicem in historijs, cum sacris, tum profanis modum reperiô, quibus Imperia vel accisa fuerunt, vel omnino extincta. Nonnulla repente, alia sensim sinè
sen-

sensu defecerunt. Nonnulla uno quasi casu corruendo ; alia majorem indies ruinam minitando. Quædam nullâ temporis indulgentiâ ad respirandum concessâ, aliqua verò, diuturniori morâ impetratâ. Imperium Abyssinorum æquè ac Chaldæorum, uno quasi momento corruerunt ; diciq; potest : istud nocte unâ ; illud unico solum die, non secus ac Persarum uno anno, constitisse. Mitiùs cum Regno Judææ, populo utpote fidei, DEUS processit, neque enim illud (quia conservare volebat, non delere) uno quasi impetu evertit, sed ad salubrem delictorum agnitionem, repetitis ictibus permoveere intendit ; atque adeò, jam ab Ægyptijs opprimi, jam à Chaldæis expilari, jam à vicinis vexari ;
jam

jam munimenti alicujus jacturâ percelli, jam præcipuæ Nobilitatis captivitate consternari curavit. Tot, tantisque indicijs populo illi DEUS luculentè ostendit, omnia ea mala à peccatis promanare, neque tollendorum spem deesse, modò iniquitatibus renunciaret. Atque, ut de eo dubitare minimè posset, Jeremiam submisit, qui utrumque, quâ voce, quâ pennâ confirmaret.

In ejusmodi angustijs Hispaniam constitutam esse manifestè videmus; cui solùm deest Propheeta, qui tantarum calamitatum causas explanet, & proficua aver-tendis media subministret. Quamquam id nequaquam necessarium videatur; cùm infaustis rerum nostrarum successibus de malorum nostro-

nostrorum origine, quidve facien-
dum nobis restet, abunde, doce-
amur. Quin & ipsæ, Jeremiæ,
Ezechelis, aliorumque Prophe-
tarum voces nobis insonuerunt, il-
lud enim quod Populo fideli in le-
ge scripta legimus evenisse, idea
fuit, & documentum, quod DEUS
adversus fideles suos in lege Gra-
tiæ peccaturos; adhibere decrevit.
Et quia indubitatum est, fidelitati
erga DEUM, nulli nationum cede-
re Hispaniam, hinc verba illa, quæ
DEI nomine locutus est Prophe-
ta, quorumque aliqua, utpote ad
nos directæ, in medium adducam,
ad eam potissimum pertinere vi-
dentur. Et verò; quibus è verbis
benignitatem DEI, quâ in Judæ-
am ferebatur, manifestius collige-
re licet, quàm ex illis apud Jere-
miam

miam c. 3. 22. *Convertimini filij re-
vertentes, & sanabo aversiones ve-
stras.* Non est profectò dubitan-
dum, modò emendatâ morum
nostrorum corruptelâ ad auxilia-
rem DEI dexteram convertamur,
non culpis modò, sed etiam pœnis,
remedium allaturam, neque per-
missuram, ut tam perduellium
Coronæ nostræ subditorum con-
tumaciâ, quàm aliorum quoque
hostium insultatione divexemur.
Horribile est illud Divinæ vindi-
ctæ Decretum, quod populi sui
delictis irritatus adversus Regnum
Judææ DEUS vulgavit per Jere-
miam: Ità enim DEI nomine c. 4.
n. 6. loquitur Propheta: *Malum,
ego abduco ab Aquilone, & contritio-
nem magnam; Ascendit Leo de cubili
suo, & Prado Gentium se levavit,
egres-*

petit, quàm si delicta emendes.
Nî faxis, actum est, subvertêre.

Hæc in regno illo accidêre.
At, non est Prophetia, sed eventus,
quòd malum Hispaniæ à Deo im-
missum ortum ducat à septentrio-
ne, quòdque in Regno nostro per-
duellionem, ac mox finistros in Ita-
lia ac Flandria successus causavit.
Neque etiamnum novimus, quis
rerum tam turbatarum exitus sit
futurus. Nescio profectò, quî fi-
at, quòd animum ad meliora non
revocemus, quòd neque futura
metuamus, neque de præsentibus
doleamus, nec istis medeamur, nec
illis consulamus. Istud adverten-
dum; tantò apertiore poeniten-
tiam à nobis requiri, quantò mani-
festiora fuêre scandala & peccata.
Unde per eundem Prophetam a-

lias horribiles ruinas agglomerat, ita inquiens : c. 6. n. 19. Ecce ego adducam mala super populum istum, fructum cogitationum ejus, quia verba mea non audierunt, & legem meam projecerunt ; ut quid mihi thus de Saba affertis, & calamum suaveolentem de terra longinqua? holocausta vestra non sunt accepta, & victimae vestrae non placuerunt mihi ; propterea, hac dicit Dominus : Ecce, ego dabo in populum illum ruinas, & ruent in eis Patres, & Filij simul, vicinus & proximus peribunt. Hac dicit Dominus : Ecce populus venit de terra Aquilonis, & gens magna consurgit à finibus terra, sagittam & scutum arripiet, crudelis est, non miserebitur, vox ejus quasi mare sonabit, & super equos ascendent, preparati quasi vir ad praelium adversum te Filia Sion.

Audi-

Audivimus famam ejus, dissoluta sunt manus nostræ, tribulatio apprehendit nos dolore, ut parturientem. Nolite exire ad agros, & in via nè ambuletis, quoniam gladius inimici, pavor in circuitu. Post tot tantasque minas, hoc unicum medium suggerit: Accingere cilicio, & conspergere cinere, luctum unigeniti fac tibi, planctum amarum. Veluti rursus diceret: Nisi peccatorum publicâ revocatione ad DEUM convertâre, nisi cilicio induare, caputque cinere conspergâre, nisi manifesto pœnitentiæ exemplo reducas, quotquot perversâ vivendi ratione ad scelera invitâras, hæc omnia nisi egeris; perijsti.

Idem nobis in Hispania, quos certè majori vitæ probitate conspicuos esse oporteret, restat fa-

eiendum ; & cùm nemo cilicio induatur ; quid prohibet, Superflua ornamenta rejicere ? cùm nemo cinere conspergatur ; quid vetat, calamistratos ad vanitatem cincinnos recidere ? Deique auxilium cum humilitate implorare ?

Præfatus Jeremias, quantumvis terribiles omnino, id quod & alij Prophetæ egerunt, minas intonet ; merissimas tamen quoque gratias, merósque Divinæ Misericordiæ favores resipiscientibus decantat. Non enim aliud, quàm emendationem nostram Deus desiderat, atque, ut cum humilitate ad paternam ejus dexteram recurramus. Fuêre Romani toto orbe fortissimi quique ac felicissimi judicati, & magnitudini animi sui pares omnino prosperimos rerum
sua-

suarum succēssus sunt experti. Ubi
tamen Dictatore Valerio Publico-
la, duo prodigia conspicua habuē-
re, hæc illi malè fausta omina rati
mox DEO supplices facti, elati ani-
mi cristas ponere, continuóq; sup-
plicationes, non Tribus Urbis dan-
taxat, sed cum adscitis quoque
adsitis populis, instituere cœpe-
runt. Complura ejusmodi pro-
digia, quæ grandem incutere pos-
sint pavorem, Hispania spectavit,
Quorum non leve istud est; tam
opulentam & validam Monarchi-
am tam brevi temporis spatio di-
minutam, & viribus suis tam re-
pentè fuisse destitutam. Tempus
profectò est, ut coram DEO humi-
liemur; nam ut c. 8. 7. inquit Je-
remias: *Milvus in cælo cognovit*
tempus suum; turtur & hirundo, &

ciconia, custodiunt tempus adventus sui; populus autem meus non cognovit iudicium Domini. Quo illud innuere volebat: non animadvertisse Judæos, illorum temporum calamitates à DEO inflatas fuisse; atque idcirco nec tempus poenitendi, Divinumque Numen placandi cognovisse; quo facto deterioris sese sortis esse, quàm inanimatas hæc volucres, ostendebant; Istæ enim commodorum suorum tempus observant, eoque utuntur accurate; isti neglexerunt, & neque tum sapuerunt, cum caderentur.

Agnoscamus ergo justo DEI vindicantis iudicio tantas nobis immixtas, quantas gementes patimur, calamitates. Tot nimirum infaultos rerum nostrarum successus, tot turbatas intentiones, tot expe-

expeditiones sinè fructu, tot Exercitus sinè effectū. Agnoscamus hoc esse tempus, quo DEUS nos judicat, & castigat; hoc, inquam tempus esse, quo Divinæ Justitiæ flagella exosculari, atque per sinceram delictorum nostrorum detestationem Eidem reconciliari deberemus. Non illud agamus, ut nos Dominus reprehendat, quemadmodum olim Populum suum apud Jerem. c. 5. 21. his verbis reprehendit; *Audi popule stulte, qui non habes cor, qui habentes oculos, non videris, & aures, & non auditis. Me ergo non timebitis? ait Dominus, & à facie mea non dolebitis? qui posui arenam terminum maris, præceptum sempiternum, quod non præteribit. Commovebuntur, & non potuerunt, & intumescent flus*

Etus ejus, & non transibunt illud. Populo autem huic factum est cor incredulum, & exasperans: recesserunt, & abierunt, & non dixerunt in corde suo metuamus Dominum DEUM nostrum. Est sanè, quam ob rem tantum Timoris DEI in ejusmodi calamitatibus defectum, vel cordis incredulitati, vel defectui judicii, atque cuipiam quasi fascino tribuamus; quòd, cum præ oculis corruere domum videamus, ejus tamen ruinam non animadvertamus, minùs caveamus. Jam hora illa advenisse videtur, quâ, nisi pœnitentiæ fructus carpanus, res omnes nostræ omnino sint desperatæ, quâ vel oporteat, delictis finem imponi, vel Monarchiæ nostræ splendorem extinguere.

Est

Est ergo tempus, ut gratiâ Dei nos excidisse agnoscam⁹, omnémque pro ea revocanda lapidem moveamus. Hoc unicum prope Prophetantis Jeremiæ fuerat argumentum: Ut immensam DEI erga populum suum benignitatem deprædicaret, & intolerabilem populi ingratitude exhiberet, ut pœnas peccantibus minaretur, & veniam pœnitentibus polliceretur. In eadem nunc constitutam navi Hispaniam video; atque utinam alieno periculo cautior redderetur: utinam tot, tantósque singulares sanè DEI favores contempleretur; quod illam pro Ecclesiæ defensione elegerit; quòd tam vastam Monarchiam concesserit, quòd eam jam inde à primi Regis Catholici Ferdinandi regimine

tot, sinè numero, Regnis, tantâ sinè mensura felicitate cumulârit: Et ut tot tantâque Regna, quæ detectâ Indiâ nobis evenerunt, nequaquam memorem, regnante jam tum Ferdinando, Granatense, Neapolitanum, ac Navarræum Hispaniæ accessêre. Philippi primi temporibus, quamvis ut Hispaniam lustraret potius, quàm regeret, venisse videretur, Flandriam rursus & Austriam cum omnibus eis adjunctis Provincijs, Deus adjunxit, tantæ amplitudinis Dominium, ut Rex ille, Reginaque Joanna dubitarent, an non præ illo, Hispaniæ Regna, Sicilia, Neapolis, & Indiæ derelinquenda forent. Deinde sub Carolo V. tametsi hoc Principe abunde felix fuisset, quot, quantâque Regna à
beni,

benigna DEI dextera Hispaniæ accesserunt. Accessit Mexicanum, Peruanum, Ducatus Mediolanensis, tantumque hæc Monarchia sumpsit incrementum, ut Principatus & Regna pro libitu distribuere posse, censeretur. Proinde Medicæis Florentiam; Regnum Tunetanum Mulcis, Melitam Religioni S. Joannis adscripsit.

Porrò, sub Philippo II. Philip-
pinis Lusitanicam Indiam, quin
& ipsam Lusitaniam, plurium Re-
gnorum feracem, denuo Hispaniæ
DEUS adauxit, deditque; ut fini-
bus Mundi dominaretur, postea-
quam integrum mundum donasset.

Sub Philippo deinceps Tertio
Palatinatum, aliæque magni No-
minis munimenta adjecit, conces-
sitque, ut, cum pacifice offerren-

tur, in summa quoque Pace conservarentur.

Proh DEUM immortalem !
quam tum Hispanici Nominis
gloriam, quas vires, quantam potentiam, quantam Regni universi opulentiam fuisse existimemus ?
cùm vel eo, quod ipsi reliquum erat, ditaret Europam : cùm oriens uniones & aromata apportaret ?
cùm occidens aurum & argentum offerret ? Jam quibus in Regnis, ea visa fuit bonorum, atque Magnanimorum Regum continua series, & fortitudo ? Alibi, si duo sibi alicujus Nominis Reges successissent, prodigium habebatur : Hispania quot quantosque numeravit ? Scimus, post admirabiles illos Reges Ferdinandum & Isabel-
lam, Hispania Carolum quintum,

ma-

magnum illud fortitudinis, prudentiæ & pietatis prodigium imperâsse. Scimus eidem Philippum Secundum, magnum itidem Justitiæ & Sapientiæ miraculum successisse. Scimus deinde Joannem Secundum, Emmanuelem, Principum Phœnicem, Joannem tertium, admirandos æquè, ac lectissimos quôsque, quos unquam viderat, Principes, Lusitanix præfuisse. Scimus denique, sub Philippi tertij Regis castissimi, sanctissimi-que Principatu Regnum istud magnâ admodum felicitate floruisse. Et verò, etiamnum habemus, quo nobis de Regis nostri zelo, Fide, rarisque qualitatibus multùm admodum gratulemur.

Quòd Hispania continuâ serie Reges tam bonos, tamque diu-

turnum eorum Principatum habuerit; cùm per multorum annorum spatia Ferdinandus, Carolus quintus, & Philippus secundus regnarent, res orbe toto mira pariter ac rara videbatur. Viris enim tot & tantis, tamque insignibus, singulari DEI benignitate, illo ævo abundabat, ut quæ superiori ætate, in orbe reliquo spectabilia censebantur, in hanc unam, veluti cumulum congesta crederentur. Quid enim? & Emanum; Costem, & Alphonsum de Albuquerque; & Carolum quintum, singulos hosce, paria haud dubiè Scipionibus, Alexandris, Cæsaribus Capita, & sexcentos alios, rebus fortiter & prudenter gestis conspicuos, numeravit.

Sed

Sed omiſſis iſtis ad Fidei puritatem tranſeamus; quam unam Hiſpania cum ſubjectis ſibi Regnis illibatam inviolatamque conſervavit; quando tot alia Europæ Regna; puta: Anglia, Gallia, Dania, Svecia, Ungaria, & Boëmia hæreſi vel infecta, vel everſa, eâque, quâ Hiſpania fruebatur, felicitate ſunt privata. Grande hoc erat Divinæ dexteræ beneficium, & vel inde æſtimandum, quòd cum tanta Monarchiæ gloria, potentia, opulentiâque conjungeretur.

Quantis tunc Deus Sanctis Hiſpaniam honoravit? Binos ſolummodo geminæ Religionis Fundatores, per quos mundus erectus eſt, ſufficiat memorâſſe. Et verò ſingularis ille Divinæ Providentiæ
in

in Regnū istud favor extitit ; quòd tam brevi temporis spatio , rebus admodum turbatis, imprimis novella JESU Societas , dein sacer Carmelitarum Ordo, prima ejusmodi familiæ fundamenta jecerint, in quarum utrâque Viri Sanctissimi floruerunt. Unius hîc Thaumaturgi Apostoli, Virique Sanctissimi Francisci Xaverij, juxta veritatem meminisse ; neque enim alias innumeras utriusque sexûs Personas memorare volo, quæ tantâ sanctitate conspicuæ fuerunt, ut dicere auserim : Superioribus sæculis, non ullo in regno majores extitisse. Neque hîc ad ea tempora memoriam revoco , quibus plures Tyrannorum gladius, quàm pœnitentiæ rigor Sanctorum fastis adscripsit. Illud

Illud præterea manifestum
Divinæ Providentiæ in Domus no-
stras est argumentum, quòd tot
auspicijs ejus partas victorias nu-
meremus. Neque dubium ullum
esse potest, tanta præterlapsis seculis,
támque rara beneficia in unam
Hispaniam DEUM contulisse;
quantis nullam omnino in Orbe
Nationem est dignatus. Sed quâ
tandem nostrâ in eum gratitudi-
ne? nisi quòd ea beneficia armo-
rum locò nobis servierint, quibus
in DEUM ipsum perduelles con-
vertamur. Crescente Imperio cre-
vit in nobis fastus, quo ceteras
gentes despiceremus; per opes &
divitias in vitia laxati sumus; utro-
que peccandi verecundiam perdi-
dimus, nec minùs de sceleribus, ac
aliàs de virtutibus gloriamur. Ec-
cle-

clesijs per incredibile plurimorum irreverentiam omnis sublatus est cultus; iniustitia in immensum crevit, Avaritia omnes limites excedit, licentia & luxuria sinè fræno bacchatur; & in grandem nostram infamiã multis Gentilibus, quos virtutes morales commendant, deteriores sumus. Insuper charitas exulat, spes in præsumtionem conversa est: sola nobis, per DEI gratiam, pura Fides reliqua est; quam tamen nimiã, cùm de illa præsumimus, arrogantia contaminamus. Idem nobis, quod olim Judæis, dixero evenisse. Hi enim abunde se tutos beatósque fore autumabant, si Religionem, Fidem, Templumque Domini conservarent. Hinc præsumptuose nimirum, dicebant: Templum Domi-

Domini penes nos est ; non est ,
quod Chaldæos inimicos nostros
metuamus ; non potest fieri , ut
Dominus nos non defendat ; ha-
bemus Templum in Jerusalem ,
non illud destrui Deus permittet.
Hâc falsâ fiduciâ & inani spe mi-
rûm quantûm sese solabantur. Sed
ablegavit ad eos Deus Prophetam,
qui eos errorem dedoceret, mo-
neretque , ut neque in Templo,
neque in mortuæ Fidei operibus
spes suas collocarent. Præcepitq;
Jeremiæ, ut ad præcipuam Templi
portam, orientalem illam, quam
omnis populus transibat, isthæc
altâ voce intonaret : *Bonas facite
vias vestras, & studia vestra; & ha-
bitabo vobiscum in loco isto ; nolite
confidere in verbis mendaciæ dicentes:
Templum Domini, Templum Domi-
ni,*

ni, Templum Domini est. Quasi diceret: Ingreddimini probam vendicationem, improbos mores ad omnis recti normam conformate: in hoc sint sitæ spes vestræ, non in Templo Domini; Hæc vos fiducia deludit, quod etiam effectus comprobavit: neque enim sat fuit penes Aulam Regni Judææ Templum Domini fuisse; sed & Aula & Regnum pari exitio, unâ cum Templo, est involutum. Habemus ergo, quod metuamus, ut, si operibus bonis destituamur, vel ipsa nos Fides non defendat. Quin & timendum, ut nè de illa ipsa periclitemur. Hæc enim, cum DEI donum sit, jure illis negatur, quorum opera, præ infidelium operibus, sunt pejora.

Illud

Illud verò vel maximè DEI vindictam irritat, quòd per flagella, immisísque nobis calamitates, cùm meliores nos fieri oporteret, facti simus deteriores. Tantò quippe magis ad peccandum profusi videmur, quantò severiùs à DEO castigamur. Dúmque omnes delinquant, singuli non suâ, sed alienâ culpâ malum accidisse opinantur. Populus in Magistratum, hic in populum culpam detorquet. Ccrtum autem est, omnes nos reos esse; & ab omnibus remedium adhiberi oportere. Peccata Magistratus, propter delicta populi, quantumvis leviora, Deus permittit. Sed, calamitates à peccatis oriri omnes sentiunt, omnes asserunt, omnes palpant, omnes quoque lamentantur, qui tamen
ad

ad seriam emendationem animum applicet, nemo usquam reperitur. Nescio profectò, ecquidnam rei hujus exitus sit futurus. Illud scio, nisi singulari studio in morum emendationem incumbamus, regnum omnino evertendum, atque in turpissimum chaos abiturum. Contrà tamen, si delictorum agnitioni, seriam quoque correctionem adjungamus, neque remedium, vel desperatis etiam rebus, defuturum.

Non equidem negaverim, tot proborum meritis, quorum non paucos numeramus, Divinæ Vindictæ flammæ restingvi posse, sed istud à Deo absque emendationis cura requirere, plus quàm temerarium videtur. Sat manifestè, ut opinor, Deus ostendit, nihil indu-

striâ

striâ aut Providentiâ humanâ perficere nos posse, cùm tanti exercitus, & vires tantæ, absque omni fructu sint collapsæ. Ingens foret fascinatio, præcipitium prospicere, neque tamen ullam evadendi curam adhibere, aut auxiliarem cœlitus manum implorare. Ingruente tempestate, omnes quotquot eâdem navî vehuntur, junctis sibi viribus auxiliantur. Omnium quippe, Navarchorum æquè ac Nautarum interest, ad remedium cooperari, omnium missis in cœlum suspirijs, Superûm opem implorare, omnium precibus ac votivis clamoribus auras complere, ut à præsentî, quòd oculis obversatur, exitio, redimantur. Ad extremum res nostræ sunt redactæ: atque idcirco ad supernaturalia, & Divi-

Divina remedia, quæ comitem habeant morum emendationem, est recurrendum. Reperio in sacris paginis Rempublicam Hebræam, posteaquam a DEO calamitatibus undequaque oppressa fuisset, non prius caput erexisse, dum ab Archangelo Michaële adjuvaretur. Quare non abs re fore judicarem, si hic Cœlestis militiæ Princeps in singularem Protectorem legeretur, atque obsequio aliquo devinciretur. Cui, & illud adjungo, id quod nonnulli Autores adnotârunt; hunc Sanctum Archangelum, aut Seraphinum peculiarem sibi Domûs Austriacæ curam commissam habere: primumque ejus Imperatorem, ut nonnulli volunt, ipso D. Michaëlis festo, vel, ut alij, octavo die electum

Etum fuisse Hinc ita lib. 4. Chron. c. 12. inquit Michaël Naverus : *Unde colligere possis, post tot Imperatores, qui antea Apostolicam Sedem diu exagitaverunt; Sanctum Michaelem ita providisse; ut ejus defensores ex Rudolpho geniti, plurimi essent.* Idem Autor, Domum Austriacam à singulari erga supremum hunc Spiritum, Militiæque Cœlestis universæ Ducem, devotione commendat.

Verum, præcipua cura nostra in hoc sita esse debet, ut Divinam imprimis Majestatem tot tantisque delictis irritatam, omni curâ, studiôque nobis devinciendam existimemus. Hic labor, hoc opus esto, ut exemplo aliorum Regum & Reginarum, quibusnam medijs, tantis malis efficaciter ob-

viari possit, seriò deliberetur. Omnibus quoque Episcopis seriò injungendum foret, ut id unum primas inter curas sibi esse velint, depravatum tot sceleribus populum, cum institutis pijs supplicationibus tum ferventissimis Concionibus ad optatam frugem revocare.

Nolim equidem tantum præsumere, ut media, tum Christiana, tum etiam Politica, utpote non minùs negligenda, præscribere velim; cum dubitare non ausim, arbitria meliora, & à majori Zelo profecta non defutura. Id tantum assero: Nequedum remedium deesse; imò multiplicia, tam supernaturalia, quàm naturalia superesse. Efficax supernaturale istud fuerit; Divinam illam, tremendamque Majestatem, condignâ

gnâ pro delictis satisfactione, reconciliare : omnes Justitiæ partes in populis adimplere, & ut hi cum timore DEI salutem suam ritè operentur, sedulò accurare. Ut nē illud, quod de Judæis olim frustra vapulantibus, Dominus Jerem: 2. pronunciavit, ad nos quoque dici mereatur : *In vanum percussi filios meos.* Illud erit naturale: Si providè agatur ; si bona consilia auscultentur ; si ad ferenda libertas concedatur ; si primus ubique rationi, veritatique locus relinquitur, Bene namque Cato apud Salustium : *Non votis, neque supplicationibus muliebribus auxilia Deorum parantur ; vigilando, agendo, bo-*

ni consulendo, prosperè omnia cedunt ; ubi socordia te tradideris, necquidquã Deos imploras; irati infestique sunt.

A. M. D. G.



INDEX

**Materiarum, quæ in
hoc Opusculo con-
tinentur.**

- S. I. Quî rebus publicis afflictis
consulendum sit? pag. 1.
S. II. Peccata Calamitatum pu-
blicarum causam esse. 11.
S. III. Prudentiâ & industriâ
humanâ reparari non posse
id, quod peccata destruxêre.
pagina 25.
S. IV. Fidem sinè operibus pa-
rum prodesse. 32.
K 3 S. V.

INDEX.

- S. V. *Victorias non tam militū
copijs & armis; quàm vir-
tutum studijs comparari.* 40.
- S. VI. *Peccata privata bono pu-
blico plurimùm obesse.* 49.
- S. VII. *Peccata contra Religio-
nem Rebus publicis perquam
perniciosa esse.* 57.
- S. VIII. *Peccatis Injustitiæ, Re-
gna everti.* 76.
- S. IX. *Peccatum Impuditiæ ad
Monarchiarū everfiones &
ruinas plurimū contulisse.* 98.
- S. X. *Afflictas Respublicas per
pœnitentiā pristinae suæ glo-
ria restitutas esse.* 114.
- S. XI. *Magnas per pœnitentiam
Victo-*

INDEX.

Victorias à Christianis fuisse reportatas. 133.

§. XII. Rebus Regni afflictis, publicam per verā pœnitentiam coram DEO humiliationē, non esse fortitudinis, aut Magnanimitatis defectum reputandum. 145.

§. XIII. Magnam moribus ad normam revocandis diligentiam impendendam esse. 150.

§. XIV. Stante morū corruptelâ nihil Orationes, aliâque Religionis opera conferre. 164.

Circa remedium contra publicas calamitates suggestum Animadversio. 171.

Im-

Impressum

ANNO, quô ob rela-
tam, ad Viennam de Tur-
cis Victoriâ, meritò
canendum:

GLoria patri, & filio, &
spiritui sancto, sic ut erat
in principio, & nunc, &
semper, & in secula.
Id est. 1683.

FINIS.



1875





